

摘藻堂四庫全書薈要

經部

欽定四庫全書薈要

經部

左傳注疏卷四十八



欽定四庫全書舊要卷一千一百六十四

經部

春秋左傳注疏卷四十八

起昭公十七年盡十九年

晉杜氏注 唐陸德明音義 孔穎達疏

經十有七年春小邾子來朝

夏六月甲戌朔日有食之

秋邾子來朝

八月晉荀吳帥師滅陸渾之戎音義

渾戶門反

冬有星孛于大辰注大辰房心尾也妖變非常故書音

義

字音佩

疏

注正義曰釋天云大辰房心尾也大火謂

一音勃

之大辰李巡云大辰蒼龍宿之體最為明

故曰房心尾也大火蒼龍宿心以候四時故曰辰孫炎

曰龍星明者以為時候故曰大辰大火也心在中最明

故時候主焉公羊傳曰字者何彗星也彗為箒也言其

狀似帚箒光芒字字然妖變之星非常所有故書之傳

稱字于大辰西經直書于大辰者雖在其星

之西仍在大辰分度之內故直云于大辰

楚人及吳戰于長岸注吳楚兩敗莫肯告負故但書戰

楚人及吳戰于長岸

注吳楚兩敗莫肯告負故但書戰

而不書敗也長岸楚地音義

岸五

疏

注正義曰傳稱大

敗吳師又云大敗

楚師是兩皆大敗也縱使兩皆來告無肯自云負敗者

故但書戰而不書敗也傳稱令尹陽句則是楚之貴臣

而云楚人者楚人耻

其敗以賤者告也

其敗以賤者告也

其敗以賤者告也

而云楚人者楚人耻

其敗以賤者告也

其敗以賤者告也

其敗以賤者告也

其敗以賤者告也

其敗以賤者告也

其敗以賤者告也

其敗以賤者告也

其敗以賤者告也

其敗以賤者告也

其敗以賤者告也

傳十七年春小邾穆公來朝公與之燕季平子賦采

叔注采叔詩小雅取其君子來朝何錫予之以穆公

喻君子疏

正義曰采叔刺幽王慢諸侯也云采叔采叔筐之管之君子來朝何錫予之雖無予

之路車乘馬注云賜諸侯以車馬言雖無予之尚以為薄穆公賦菁菁者莪注菁

菁者莪亦詩小雅取其既見君子樂且有儀以答采

叔音義

菁子丁反莪五河反樂音洛

疏正義曰菁菁者莪云既見君子樂且有儀既見君子

者官爵之而得見也見則昭子曰不有以國其能久心既喜樂又以禮儀見接

乎注嘉其能答賦言其賢故能久有國疏

正義曰言不有學問

之人以治其國能長久乎

○夏六月甲戌朔日有食之祝史請所

用幣注禮正陽之月日食當用幣於社故請之疏正注

義曰陰陽之氣運行於天一消一息周而復始十一月建子為陽始五月建午為陰始以易爻卦言之從建子之後每月一陽息一陰消至四月建巳六陰消盡六陽並盛是為純乾之卦正陽之月也從建午之後每月一陰息一陽消至十月建亥六陽消盡六陰並盛是為純坤之卦正陰之月也此年六月日食是夏之四月正陽之月也禮正陽之月日食諸侯當用幣於社故魯之祝史依禮法請所用之幣

曰日有食之天子不舉注不舉盛饌音義

饌仕春反

伐鼓

於社注責羣陰諸侯用幣於社注謂上公伐鼓於朝

注退自責禮也疏

正義曰昭子雖不言正月而云日食之禮明此月即是正月也文十

五年傳與此昭子之言正同是正法有此禮也殺牲盛饌曰舉故天子不舉謂去盛饌也郊特牲云社所以神地之道也祭土而主陰氣也則社是羣陰所聚論語云鳴鼓而攻之伐鼓者是攻責之事故為責羣陰亦以責上公也二十九年傳曰封為上公祀為貴神社稷五祀是尊是奉是社為上公之神尊於諸侯故諸侯用幣於社請上公亦所以請羣陰請令勿侵陽也然伐鼓於社云責羣陰用幣於社云請上公社文是一二注不同者以天子之尊無所不責故云責羣陰也諸侯南面之君於諸侯之內唯請上公故云請上

平子禦之注禦禁也音義

禦之魚自反注同

曰止也唯

正月朔慝未作日有食之於是乎有伐鼓用幣禮也

其餘則否太史曰在此月也注正月謂建巳正陽之月也於周為六月於夏為四月慝陰氣也四月純陽用事陰氣未動而侵陽災重故有伐鼓用幣之禮也

平子以為六月非正月故大史答言在此月也音義

正音政慝他得反夏戶雅疏正義曰平子聞有此禮反下文當夏注當夏並同疏而不知正月是周之六月故止其請幣仍說正禮慝惡也人情愛陽而慝陰故謂陰為慝五月陰始生故四月陰未作也平子亦不識慝為陰義故語雖得禮而心不肯從平子蓋以正月為歲首之月故云其餘則否大史以平子不識正月故為辨之所言慝未作所以行伐鼓用幣之禮正當在此月也因為說日食之禮引夏書以證之



日過分而未至注過春分而未夏至三辰有災注三

辰日月星也日月相侵又犯是宿故三辰皆為災音

義

宿音秀

於是乎百官降物注降物素服疏

注正義曰降物謂減

其物采也昏義曰日食則天子素服知百官降物亦素服也古之素服禮無明文蓋象朝服而用素為之如今之單衣也近世儀注日食則擊鼓於大社天子單衣介幘辟正殿坐東西堂百官白服坐本司大常率官屬繞大廟過時乃罷君不舉辟移時注辟正寢過日食時樂

奏鼓注伐鼓疏

正義曰樂奏鼓與下替奏鼓一也樂謂作樂之人即替矇也奏訓進也孔

安國尚書傳云替樂官樂官進鼓則伐之故杜云伐鼓也其日食王或有至社親伐鼓之時故周禮大僕

云凡軍旅田役贊王鼓救日月食亦如之鄭玄云祝王通鼓佐擊其餘面則日食王有親鼓之時也

用幣注用幣於社史用辭注用辭以自責故夏書曰

辰不集于房注逸書也集安也房舍也日月不安其

舍則食瞽奏鼓注瞽樂師音義瞽音鼓嗇夫馳庶人走

注車馬曰馳步曰走為救日食備也音義嗇音色疏正義

曰此尚書胤征文也彼云乃季秋月朔辰弗集于房彼季秋日食亦以此禮救之傳言唯正月朔日食乃有伐鼓用幣餘月則否引夏書而與夏書違者蓋先代尚質凡有日食皆用鼓幣周禮極文周家禮法見事有差降唯正陽之月特用鼓幣餘月則否注正義曰杜以鳥止謂之集故訓集為安也孔安國云房所

舍之次集合也不合則日食可知與杜少異杜以馳是馬疾行故云車馬曰馳步曰走孔安國云嗇夫主幣之官馳取幣禮天神嗇夫於周禮無文鄭注覲禮云嗇夫蓋司空之屬也則官屬司空庶人在官若胥徒之屬使之取幣而禮天神也衆人走共救日食之百役也嗇夫取幣未必馳車蓋馳走相對變其文耳言禮天神者謂天子禮傳無此月朔之謂也當夏四月天子禮天神之事文不具

月是謂孟夏注言此六月當夏家之四月平子弗從

昭子退曰夫子將有異志不君君矣注安君之災故

曰有異志疏

正義曰日食陰侵陽臣侵君之象救日食所以助君抑臣也平子不肯救日食

乃是不君事其君也劉炫云乃是不復以君為君矣

○秋郊子來朝公與之宴

昭子問焉曰少皞氏鳥名官何故也注少皞金天氏

黃帝之子己姓之祖也問何故以鳥名官音義

少詩照反

皞胡老反己音紀又音祀

疏

注正義曰帝系云黃帝生玄囑也史記云黃帝正妃生二子其後皆有天

下其一日玄囑是為青陽降居江水言降居江水謂不為帝也此傳言其以鳥名官則是為帝明矣故世

本及春秋緯皆言青陽即是少皞黃帝之子代黃帝而有天下號曰金天氏少皞氏身號金天氏代號也

晉語稱青陽與黃帝同德故為姬姓黃帝之子十四人為十二姓其十二有姬有己青陽既為姬姓則己

姓非青陽之後而世本己姓出自少皞子曰吾祖也皞非青陽也事遠書亡不可委悉耳

我知之昔者黃帝氏以雲紀故為雲師而雲名注黃

帝軒轅氏姬姓之祖也黃帝受命有雲瑞故以雲紀

事百官師長皆以雲為名號縉雲氏蓋其一官也音

義

長丁丈反  
縉音進

疏

注正義曰史記云黃帝者少典之子  
名曰軒轅為天子代神農氏是為黃

帝晉語云黃帝以姬水成為姬姓是姬姓之祖也以  
少皞之立有鳳鳥之瑞而以鳥紀事黃帝以雲紀事  
明其初受天命有雲瑞也雲之為瑞未能審也史記  
天官書曰若煙非煙若雲非雲郁郁紛紛蕭索輪囷  
是謂卿雲或作慶雲或作景雲孝經援神契曰德至  
山陵則景雲出服虔云黃帝受命得景雲之瑞故以  
雲紀事黃帝雲瑞或當是景雲也百官師長皆以雲  
為名號即是以雲紀綱諸事也雲為官名更無所出  
唯文十八年傳云縉雲氏有不才子疑  
是黃帝時官故云縉雲氏蓋其一官也炎帝氏以火

紀故為火師而火名注炎帝神農氏姜姓之祖也亦

有火瑞以火紀事名百官疏

注正義曰帝系世本皆為炎帝即神農氏炎帝

身號神農代號也譙周考古史以為炎帝與神農各為一人非杜義晉語云炎帝以姜水成為姜姓是為姜姓之祖也火之為瑞亦未審也共工氏以水紀故為水師而水名

注共工以諸侯霸有九州者在神農前大皞後亦受

水瑞以水名官音義

共音恭大音泰下大皞同疏

注正義曰共工氏霸有九州祭

法文也此傳從黃帝向上逆陳之知共工大皞氏以在神農前大皞後也水之為瑞亦未審也大皞氏以

龍紀故為龍師而龍名注大皞伏犧氏風姓之祖也

有龍瑞故以龍命官疏

注正義曰月令孟春云其帝大皞易下繫云包犧氏之王

天下也即大皞大皞身號伏羲代號也僖二十一年傳云任宿須句風姓也實司大皞知大皞是風姓之祖也龍之為瑞亦未審也此黃帝以上四代用火雲水龍紀事其官之名必用雲火水龍為之但書典散亡更無文紀其名不可復知故杜不復委說唯有縉雲見傳疑是黃帝官耳服虔云黃帝以雲名官蓋春官為青雲氏夏官為縉雲氏秋官為白雲氏冬官為黑雲氏中官為黃雲氏炎帝以火名官春官為大火夏官為鶉火秋官為西火冬官為北火中官為中火共工以水名官春官為東水夏官為南水秋官為西水冬官為北水中官為中水大皞以龍名官春官為青龍氏夏官為赤龍氏秋官為白龍氏冬官為黑龍氏中官為黃龍氏此皆事無所見苟出肺腸少皞鳥紀不以五方名官焉知彼四代者皆以四時五方名

官乎以緡為赤色則云夏官為緡雲焉知餘方不更為之目而直指青黃為名也以天文有大火鶡火即云春為大火夏為鶡火其餘何故直以西  
北名火也此皆虛而不經故不可采用 我高祖少

皞摯之立也鳳鳥適至故紀於鳥為鳥師而鳥名鳳

鳥氏歷正也注鳳鳥知天時故以名歷正之官音義

摯音疏注正義曰釋鳥云鷗鳳其雌皇則此鳥雄曰鳳雌曰皇說文云鳳神鳥也山海經云丹穴

之山有鳥焉其狀如雞五采而文名曰鳳皇見則天下大安寧運斗樞云天樞德見則鳳皇翔中侯握河

紀云堯即政七十年鳳皇止庭伯禹拜曰昔帝軒提象鳳巢阿閣白虎通云黃帝時鳳皇蔽日而至止於

東園終身不去諸書皆言君有聖德鳳皇乃來是鳳皇知天時也歷正主治歷數正天時之官故名其官



為鳳鳥氏也當時名官直為鳥名而已其所職掌與後代名官所司事同所言厯正以下及司徒司寇工農之屬皆以後代之官所掌之事託言之言爾時鳥名如今之此官也

玄鳥氏司分者

也注玄鳥燕也以春分來秋分去音義

燕於反疏注正義曰

說文云燕玄鳥也釋鳥云燕燕郭璞曰詩云燕燕于飛一名玄鳥齊人呼鵲詩云天命玄鳥月令云玄鳥至之日是一名玄鳥也或單呼為燕或重名燕燕異方語也此鳥以春分來秋分去故以名官使之主二分伯趙氏司至者也注伯趙伯勞也以夏至鳴冬至

止疏

注正義曰釋鳥云鵲伯勞也樊光曰春秋云伯趙氏司至伯趙鵲也以夏至來冬至去郭璞曰

似鵲鵲而大此鳥以夏至來冬至去故以名官使之主二至也月令仲夏之月鵲始鳴蔡邕云鵲伯勞也

一曰伯趙應時而鳴為陰候也詩云七月鳴鴈者鄭玄云幽地晚寒鳥物之候從其氣焉王肅云七當為五古文五字似七故誤

青鳥氏司啟者也注青鳥鵲也立

春鳴立夏止音義

鵲音倉鵲亦疏注正義曰青鳥鵲作鵲於諫反鵲爾雅無文先儒

傳說耳立春立夏謂之啟此鳥以立春鳴立夏止故以名官使之主立春立夏丹鳥氏司閉

者也注丹鳥驚雉也以立秋來立冬去入大水為蜃

上四鳥皆歷正之屬官音義

驚必滅反疏注正義曰蜃市軫反疏釋鳥雉之

類有驚雉樊光曰丹雉也少皞氏以鳥名官丹鳥氏司閉以立秋來立冬去入水為蜃周禮王享先公服

驚冕郭璞曰似山鷄而小冠背毛黃腹下赤項綠色鮮明是解丹鳥為驚雉也立秋立冬謂之閉此鳥以

秋來冬去故以名官使之主立秋立冬也分至啟閉立四官使主之鳳皇氏為之長故云四鳥皆歷正之屬官祝鳩氏司徒也注祝鳩鷦鷯也鷦鷯孝故為司

徒主教民音義

鷦音焦本又作焦本或疏注正義曰作鷦子遙反又子堯反釋鳥云佳

其鷦鷯

舍人云佳一名夫不今楚鷦也樊先曰春秋云祝鷦氏司徒祝鷦即佳其夫不孝故為司徒郭璞

曰今鷦鷯也

詩云翩翩者佳毛傳云鷦夫不也一宿之鳥鄭玄云一宿者一意於其所宿之木又云夫不

鳥之鷦

謹者人皆愛之則此是謹鷦孝鷦鷯氏司徒順之鳥故名司徒之官教人使之孝也

也注鷦鷯王鷦也鷦而有別故為司馬主法制音義

鷦

本又作鷦七徐反鷦音至

疏注正義曰釋鳥云鷦本又作鷦下同別故列反

一名鴟鵂郭璞云鴟類今江東呼之為鴟好在江渚  
山邊食魚毛詩傳曰鳥鷖而有別則鴟鵂是鷖擊之  
鳥又能雄雌有別也司馬主兵又主法制擊伐鴟鵂  
又當法制分明故以此鳥名官使主司馬之職鴟鵂  
氏司空也注鴟鵂鴟鵂也鴟鵂平均故為司空平水

土音義

鴟本亦作桔簡八反又音疏注正義曰釋鳥  
吉鵂本亦作鞠居六反云鴟鵂鴟鵂樊

光曰春秋云鴟鵂氏司空心平均故為司空郭璞曰  
今之布穀也孫炎曰方言云鴟鵂自關而東謂之戴  
勝陸璣毛詩義疏云今梁宋之間謂布穀為鴟鵂則  
布穀是鴟鵂明矣而揚雄云鴟鵂是戴勝也今戴勝  
自生穴中不巢生雄言非也詩云鴟鵂在桑其子七  
兮毛傳云鴟鵂之養其子朝從上下莫從下上平均  
如一是鴟鵂平均故為司空尚書舜典云伯禹作司  
空帝曰禹汝平水土惟時懋哉是司空主平水土也

爽鳩氏司寇也注爽鳩鷹也鷩故為司寇主盜賊音

義

丈爽  
反所

疏

鳩注  
也正

義曰春秋

釋鳥曰來

鳩云鷹

司 鵝 司 鵝 司 鵝

鷹 樊

先曰  
驚故

來鳩為司

寇爽

郭璞曰鵜當為爽字之誤耳左傳作爽鳩是也鷹是鷩擊之鳥司寇主擊盜賊故為司寇鷩鳩氏

司事也。注鵲鳩鵲也。春來冬去，故為司事。音義。

反交  
又反  
音又  
彫陟  
留

疏

鴟注  
鳩正

義曰  
一名

釋鳥

今云  
之隨

鳩班鳩

鴛鴦也鴛

樊舍  
光人

日日

鴿注  
鳩正

義曰  
一名

鵲釋  
鰥自

今云  
之雖

班鳩

鳩鵲也鵲

樊舍  
光人

四四

春秋云鶡鳩氏司事春來冬去孫炎曰鶡鳩一名鳴鳩月令云鳴鳩拂其羽郭璞云今江東亦呼為鶡鳩

似山鵲而小短尾青黑色多聲即是此也舊說及  
雅皆云班鳩非也所論班鳩鳴鳩雖有異同其言春

來冬去舊有此說國家營事繕治器物一年之間無  
時暫止故以此鳥名司事之官也司事謂營造之事

於六官皆屬司空此司空司事各為一官者古  
今代異猶如舜典司空與共工各為一官也  
**五鳩**

**鳩民者也**注鳩聚也治民上聚故以鳩為名疏注正

鳩聚釋詁文也治民上其集聚惡其  
流散故以鳩為官名欲其聚散民也  
**五雉為五工正**

注五雉雉有五種西方曰鷩雉東方曰鷦雉南方曰

翟雉北方曰鷩雉伊洛之南曰翬雉音義種章勇反下同鷩音

存又音遵本或作蹲鷩側其反翟音狄又音疏注正  
濁鷩本又作希如字一音丁里反翬許韋反疏義曰

釋鳥雉之屬十有四其說四方之雉西方曰鷩東方  
曰鷩南方曰鷩北方曰鷩舍人曰釋四方之雉名也

杜言四方之雉唯南方不同也釋鳥又云鷩山雉樊  
光曰其羽可持而舞詩云右手秉翟郭璞云長尾者

爾雅之文翟與曷別而賈逵亦云南方曰翟雉則先  
儒相傳為說杜從之也釋鳥又云伊洛而南素質五  
采皆備成章曰翟李巡曰素質五采備具文章鮮明  
曰翟孫炎曰翟雉白質五采為文也傳言五雉必取  
五方伊洛土之中區明其取翟雉與四方之雉為五  
也賈逵云西方曰鷩雉攻木之工也東方曰鷩雉塼  
埴之工也南方曰翟雉攻金之工也北方曰鷮雉攻  
皮之工也伊洛而南曰翟雉設五色之工也樊光注  
爾雅四方之雉配工亦與賈同唯翟雉不配工耳案  
賈樊所言之工出於考工記耳而考工記更有刮摩  
之工凡有六工非唯五也且記是後世之書少皞時  
工未必如記所說又以工配雉無所憑據不可采用  
故杜

利器用正度量夷民者也注夷平也音義

量音亮

疏正義曰雉聲近夷雉訓夷夷為平故以雉名工正  
之官使其利便民之器用正丈尺之度斗斛之量

所以平均下民也樊光服虔云雉者夷也夷平也使度量器用平也九扈為九農正注

扈有九種也春扈鵠鵠夏扈竊玄秋扈竊藍冬扈竊

黃棘扈竊丹行扈喈喈宵扈嘖嘖桑扈竊脂老扈鷦

鷦以九扈為九農之號各隨其宜以教民事音義扈

戶鵠扶云反又如字鵠勅倫反喈側百疏注正義曰

反又子夜反又助額反嘖音責又音蹟釋鳥自春

扈鵠鵠至宵扈嘖嘖凡七扈其文相次與此注正同

李巡總釋之云諸扈別春夏秋冬四時之名喈喈嘖

嘖鳥聲貌也郭璞曰諸扈皆因其毛色音聲以為名

竊藍青色釋鳥又云鷦鷯老扈鵠桑扈竊脂注爾雅

者舍人李巡孫炎郭璞皆斷老上屬扈下屬鷦鷯為句以

一名鷦鷯老鷦一名扈扈雀也唯樊光斷鷦鷯為句以



老下屬注云春秋云九扈為九農正九扈者春扈夏  
扈秋扈冬扈棘扈行扈宵扈桑扈老扈是以老為下  
屬唯鵙不重耳李巡云竊脂一名桑扈郭璞曰俗謂  
之青雀觜白食肉好盜脂膏因名云鄭玄詩箋云竊  
脂肉食陸璣毛詩義疏云竊脂青雀也好竊人脯肉  
及甬中膏故以名竊脂也諸儒說竊脂皆謂盜人脂  
膏也即如此言竊玄竊黃者豈復盜竊玄黃乎爾雅  
釋獸云虎竊毛謂之號貓鼬如小熊竊毛而黃竊毛  
皆謂淺毛竊即古之淺字但此鳥其色不純竊玄淺  
黑也竊藍淺青也竊黃淺黃也竊丹淺赤也四色皆  
具則竊脂為淺白也其喈喈噴噴則聲音為之名矣  
其春扈鵙鵙樊光云鵙鵙言分循也春扈分循五土  
之宜乃以人事名鳥其義未必然也爾雅老扈鵙字  
不重賈服皆云鵙鵙亦聲音為名也賈逵云春扈分  
循相五土之宜趣民耕種者也夏扈竊玄趣民耘苗  
者也秋扈竊藍趣民收斂者也冬扈竊黃趣民蓋藏

者也棘扈竊丹為果駟鳥者也行扈喈喈畫為民駟  
鳥者也宵扈嘖嘖夜為農駟獸者也桑扈竊脂為蠶  
駟雀者也老扈鷦鷯趣民收麥令不得晏起者也舍  
人樊光注爾雅其言亦與賈同其意皆謂以扈為官  
還令依此諸扈而動作也然則趣民耕耘及收斂蓋  
藏其事可得召民使聚而總號令之其為果駟鳥為  
蠶駟雀豈得多置官方使之就果樹入蠶室為民駟  
之哉又畫駟鳥夜驅獸不免竟日通宵常在田野溥  
天之下何以可周且其言不經難可據信也杜云以  
九扈為九農之號各隨其宜以教民事以舊說不可  
采用又不能知其  
職掌故未言之

扈民無淫者也注扈止也止民使

不淫放自顓頊以來不能紀遠乃紀於近為民師而  
命以民事則不能故也注顓頊氏代少皞者德不能

致遠瑞而以民事命官音義

顓音專項許玉反

疏

正義曰傳言少皞摯

之立也鳳鳥適至則鳳鳥以初立時至也因其初立而有此瑞鳥遂即以鳥紀事雲火水龍亦以初立而有此瑞用之以紀庶事自顓頊以來初立之時既無遠瑞不能紀以遠而乃紀於近天瑞遠民事近為民之師長而命其官以民仲尼聞之見於郊子而學之事則為不能致遠瑞故

注於是仲尼年二十八疏

注正義曰沈文阿云襄三十一一年注云仲尼年十歲

計至此年二十八誤

既而告人曰吾聞之天子失官學

在四夷猶信注失官官不脩其職也傳云聖人無常

師疏

正義曰王肅云郊中國也故吳伐郊季文子歎曰中國不振旅蠻夷入伐吾亡無日矣孔子稱

學在四夷疾時學廢也鄭少皞之後以其世則遠以其國則小矣魯周公之後以其世則近以其國則大矣然其禮不如鄭故孔子發此言也失官為所居之官不脩其職也仲尼學樂於萇弘問官於鄭子是聖人無常師○晉侯使屠蒯如周請有事於雒與三塗注屠

蒯晉侯之膳宰也以忠諫見進雒雒水也三塗山名

在陸渾南音義

蒯苦怪反雒音洛

萇弘謂劉子曰客容猛非

祭也其伐戎乎陸渾氏甚睦於楚必是故也君其備之乃警戒備注警戒以備戎也欲因晉以合勢音義

警戒音

九月丁卯晉荀吳帥師涉自棘津注河津名使

祭史先用牲于雒陸渾人弗知師從之庚午遂滅陸  
渾數之以其貳於楚也陸渾子奔楚其衆奔甘鹿注  
甘鹿周地周大獲注先警戒備故獲宣子夢文公攜  
荀吳而授之陸渾故使穆子帥師獻俘于文宮注欲  
以應夢音義俘芳夫反應應對之應○冬有星孛于大辰西及

漢注夏之八月辰星見在天漢西今孛星出辰西光

芒東及天漢音義

夏戶雅反下文同見賢遍反疏注正義曰星孛

皆無其月但冬以十月為初故以夏之八月解之也  
月令仲秋之月日在角昏牽牛中大辰是房心尾也

其星處於東方之時在角星之北故以八月之昏角  
星與日俱沒大辰見於西方也天漢在箕斗之間於  
是時天漢西南東北斜列於天大辰之星見在天漢  
之西也今孛星又出於大辰之西而尾東指光芒歷  
辰星而東申須曰彗所以除舊布新也注申須魯大  
及天漢也

夫音義

彗似銳反又音息遂反

疏

正義曰彗埽帚也其形似彗故名焉帚所以埽去塵彗星

象之故所以除舊布新也言此星見必有除舊之事

天事恒象注天道恒以象

類告示人今除於火火出必布焉諸侯其有火災乎

注今火向伏故知當須火出乃布散為災音義

向許亮反

又作嚮

梓慎曰往年吾見之是其徵也注徵始有形象

而微也火出而見注前年火出時音義

見賢遍反下及注並同

今茲火出而章必火入而伏注隨火行也疏

正義曰梓慎云

往年吾見之是其徵也當時火出之時而彗星已見是隨火而行也今年火星之出而彗星章明是彗漸益長未即消滅必當火入之時與火俱伏也服虔注本火出而章必火火入而伏重火別句孫毓云賈氏舊文無其居火也久矣注歷二年其與不然乎注言

必然也音義

與如字又音預

火出於夏為三月注謂昏見於

商為四月於周為五月夏數得天注得天正疏

注正義曰

斗柄所指一歲十二月分為四時夏以建寅為正則斗柄東指為春南指為夏是為得天四時之正也若

殷周之正則不得正若火作其四國當之在宋衛陳鄭乎宋大

辰之虛也注大辰大火宋分野音義

虛起居反下疏同分扶問反

正義曰虛者舊居之處也陳為太皞之虛鄭為祝融之虛衛為顓頊之虛皆先王先公嘗居此地謂之虛可矣大辰星名非人居也而亦謂之虛者以天之十二次地之十二域大辰為大火之次是宋之區域故謂宋為大辰之虛猶謂晉地為參虛陳大皞之虛也注大皞居陳木火

所自出鄭祝融之虛也注祝融高辛氏之火正居鄭皆火房也注房舍也星孛天漢漢水祥也注天漢水也衛顓頊之虛也故為帝丘注衛今濮陽縣昔帝顓



項居之其城內有顓頊冢音義

濮音

其星為大水注

衛星營室營室水也水火之牡也注牡雄也音義

牡

后疏

正義曰獸曰牝牡牡是雄也陰陽之書有五行反嫁娶之法火畏水故以丁為壬妃是水為火之

雄

其以丙子若壬午作乎水火所以合也注丙午火

壬子水水火合而相薄水少而火多故水不勝火音

義

薄本又作搏音博

疏

注正義曰丙是火日午是火位壬是

水水火合而相薄則是夫妻合而相親親則將行其意或水從火或火從水但彗在大辰為多及漢為少

水少而火多故水不勝火火行其意水必助之故此丙子壬午之日當有火災若火入而伏

必以壬午注尚未知今字星當復隨火星俱伏不故

言若音義

復扶又反疏

正義曰劉炫云丙子壬午雖俱是水火合日但二字之內先言彊若

火入而伏則連秋至春歷夫陰水用事雖同其欲水當先火故疑火入而伏則必以壬午也劉炫雖為此

釋杜既無注其壬午之事理則未詳

不過其見之月注火見周之五月

鄭裨竈言於子產曰宋衛陳鄭將同日火若我用瓏

罍玉瓚鄭必不火注瓏珪也罍玉爵也瓚勺也欲以

瓚火音義

裨婢支反瓏古亂反罍古推反瓚才旦反勺上若反瓚本亦作瓚如羊反下同

疏

注正義曰瓏是玉名此傳所云皆是成就之器故知瓏是珪也罍是爵名玉字在罍瓚之間知罍亦以玉

為之故云。玉爵也。周禮典瑞云：裸圭有瓚。鄭司農云：於圭頭為器，可以挹鬯。裸祭謂之瓚。國語謂之鬯。瓚，鄭玄云：漢禮瓚槃大五升，口徑八寸，下有槃，口徑一尺。考工記：玉人云：裸圭尺有二寸，有瓚以祀廟。鄭玄云：瓚如槃，其柄用圭，有流。前注鄭玄詩箋云：圭瓚之狀以圭為柄，黃金為勺，青金為外，朱中央，是瓚為勺。其祭祀之器也。禋，竈欲用此三物以禋火。

子產弗與注以為天災流行

非禳所息故也。為明年宋衛陳鄭災傳。○吳伐楚，陽

句為令尹卜戰不吉。注：陽句，穆王曾孫令尹子瑕音。

義：句，古疏。正義曰：陽句，心不決死戰，必殺將將死是害反。疏，不吉也。司馬子魚志在必死，不以將死為

凶。故卜之得吉，敗吳之後，吳人敗之終是不吉。注：正義曰：依世本，穆王生王子揚，揚生尹尹，生令尹句。

司馬子魚曰我得上流何故不吉注子魚公子魴也

順江而下易用勝敵音義

魴音房易以歧反

且楚故司馬令

龜我請改卜令曰魴也以其屬死之楚師繼之尚大

克之吉注得吉兆戰于長岸子魚先死楚師繼之大

敗吳師獲其乘舟餘皇注餘皇舟名音義

乘如字又繩證反下

同使隨人與後至者守之環而塹之及泉注環周也

音義

環如字又音患塹七豔反

盈其隧炭陳以待命注隧出入道

音義

隧音遂下同炭叶旦反

疏

注正義曰守舟者雖環而塹之塹猶不合有出入之路故滿路

置火以防  
吳人也

吳公子光注光諸樊子闔廬音義

闔戶獵反廬力

居請於其衆曰喪先王之乘舟豈唯光之罪衆亦有

焉請藉取之以救死注藉衆之力以取舟音義

喪息浪反

衆許之使長鬣者三人注長鬣多髭鬚與吳人異形

狀詐為楚人音義

鬣力輒反髭子斯反鬚音須

潛伏於舟側曰我

呼餘皇則對師夜從之注師吳師也音義

呼呼路反又如字下

同三呼皆迭對注迭更也音義

迭待結反又音弟更音庚

楚人從

而殺之楚師亂吳人大敗之取餘皇以歸注傳言吳

光有謀

經十有八年春王正月曹伯須卒注未同盟而赴以名

夏五月壬午宋衛陳鄭災注來告故書天火曰災疏注

義曰傳稱皆來告火知是來告故書也春秋書他國之災皆是來告而書公羊傳曰宋衛陳鄭災何以書記異也何異爾異其同日而俱災外異不書此何以書為天下記異也穀梁亦云其志以同日也杜因此傳有來告之文故顯而異之天火曰災宣十六年傳例也

六月邾人入郕注郕國今琅邪開陽縣音義

郕音禹許慎郭璞皆

音矩國名琅音郎本亦作郎

秋葬曹平公

冬許遷于白羽注自葉遷也畏鄭而樂遷故以自遷為

文音義

葉始疏注正義曰成十五年許遷于葉自是以

涉反疏注正義曰成十五年許遷于葉自是以  
葉遷于夷也十三年傳曰楚之滅蔡也靈王遷許胡沈  
道房申於荆焉平王即位既封陳蔡而皆復之禮也注  
云荆荆山也滅蔡在十一年許又從夷遷于荆山平王  
復之復其本國許又歸於葉也故知此年遷于白羽是  
其自葉遷也且傳云葉在楚方城外之蔽明其欲遷之  
時許在葉也案傳王子勝言於楚子使之遷許則是楚  
人遷許非許自遷楚雖發意遷許亦畏鄭樂遷故以  
自遷為文若許不樂遷楚強遷之當云楚人遷許如宋  
人遷宿齊人遷陽之類不得云許遷于  
白羽其以自遷為文知許人自樂遷也

傳十八年春王二月乙卯周毛得殺毛伯過注毛伯

過周大夫得過之族音義

過古禾反

而代之注代居其位

疏

注正義曰毛氏世有采地為畿內之國於時天子微弱故自殺自代不能禁之

蔭弘曰毛

得必亡是昆吾稔之日也侈故之以注昆吾夏伯也

稔熟也侈惡積熟以乙卯日與桀同誅音義

蔭直良反稔而

審反侈昌氏反又尸氏反夏戶雅反而毛得以濟侈於王都不亡何待

注為二十六年毛伯奔楚傳疏

正義曰是乙卯者昆吾之君惡熟之日也

由其侈故以此日死也而毛得以此日成其侈惡於王都不亡何待注正義曰鄭語云黎為高辛氏火正



命之曰祝融其後八姓昆吾為夏伯楚世家云顓頊  
生稱稱生卷章卷章生黎黎為高辛氏火正共工氏  
作亂帝使黎誅之而不盡帝誅黎使其弟吳回居火  
正為祝融回生陸終終生子六人坼剖而產焉其長  
曰昆吾虞翻曰昆吾為己姓封昆吾世本云昆吾者  
衛是也然則昆吾國名言昆吾夏伯者以表昆吾國  
君其上世嘗為夏伯其惡熟誅者非此為伯之身當  
是後世之孫耳詩云韋顧既伐昆吾夏桀共桀同文  
又傳云乙卯亡知以○三月曹平公卒注為下會葬  
乙卯日與桀同時誅

見原伯起本○夏五月火始昏見注火心星音義

見賢

遍反丙子風梓慎曰是謂融風火之始也注東北曰融

風融風木也木火母故曰火之始疏

注正義曰東北曰融風易緯作

調風俱是東北風一風有二名東北木之始故融風為木也木是火之母火得風而盛故融為火之始

七日其火作乎注從丙子至壬午七日壬午水火合

之日故知當火作戊寅風甚壬午大甚疏

正義曰甚者益盛之

言也丙子初風連日不息至戊寅而風益盛至壬午而風又大盛初言融風是東北風也蓋自丙子至壬午風不迴而稍益盛傳雖主言魯國之風彼四國亦當然也

宋衛陳鄭皆火梓慎

登大庭氏之庫以望之注大庭氏古國名在魯城內

魯於其處作庫高顯故登以望氣參近占以審前年

之言音義

大甚本或作火甚處昌慮反下祭處同故登以望氣本或作以望氣氣

疏注

正

義曰大庭氏古天子之國名也先儒舊說皆云炎帝號神農氏一曰大庭氏服虔云在黃帝前鄭玄詩譜云大庭在軒轅之前亦以大庭為炎帝也對文則藏馬曰廐藏車曰庫曲禮云在府言府在庫言庫鄭玄云府謂寶藏貨賄之處庫為車馬兵甲之處又大學云未有府庫財非其財者則庫亦藏財貨非獨車馬甲兵也古之大庭當都於魯其虛在魯城內魯於其處作庫而其地高顯故梓慎登之以望氣梓慎往年言其將火今更望氣參驗近占以審己前年之言信也梓慎所望望天氣耳非能望見火也而何休難云宋衛陳鄭去魯皆數千里為登高以見其火豈實事哉劉炫云案左傳不言望火何以言見其火玄卿以為孔子登泰山見吳門之白馬離婁觀千里之毫末梓慎既非常人何知不見數百里之煙火孔子在陳知桓僖災者豈復望見之乎若見火知災則人皆知之矣何所貴乎梓慎左氏傳而編記之哉且四國去

魯纔數百里而何休云數千里雖意欲其遠亦虛妄之極梓慎所望自當有以知之不知見何氣知其災也服虔云四國次有火氣也梓慎不言夜望安知曰望次陳獨無次何所望哉今以為服解義或然也

宋衛陳鄭也數日皆來告火注言經所以書音義

數所

主禪竈曰不用吾言鄭又將火注前年禪竈欲用瓘

瓘禳火子產不聽今復請用之音義

禳

如羊反復扶又反下同

鄭

人請用之注信竈言子產不可子大叔曰寶以保民也若有火國幾亡可以救亡子何愛焉子產曰天道遠人道邇非所及也何以知之竈焉知天道是亦多

言矣豈不或信注多言者或時有中音義

幾音祈又音機下同

竈焉於虔反中丁仲反

遂不與亦不復火注傳言天道難明雖

裨竈猶不足以盡知之鄭之未災也里析告子產曰

將有大祥注里析鄭大夫祥變異之氣音義

析星厯反大祥

或作火疏

正義曰祥者善惡之徵中庸云國家將興必有祲祥祥則吉祥也國家將亡必有妖

孽孽則凶祥也

則祥是善事而里析以民動國亡為

大祥者彼對文言耳書序云毫有祥桑穀共生于朝

五行傳云時有青青祥白青白祥之類皆以

惡徵為祥是祥有善有惡故杜云祥變異之氣

民震動國幾亡吾身泯焉弗良及也注言將先災死音義

泯面忍反疏

正義曰良是語辭史傳多云良所未悟先悉薦反良有以也是古今共有此語也而服虔

云弗良及者不能及也良能也能非良之訓妄言耳

國遷其可乎子產曰雖可

吾不足以定遷矣注子產知天災不可逃非遷所免

故託以知不足音義

知音

及火里析死矣未葬子產

使輿三十人遷其柩注以其常與己言故音義

輿音餘柩

其又反

火作子產辭晉公子公孫于東門注晉人新來

未入故辭不使前也疏

注正義曰下云出新客禁舊客勿出於宮此辭于東門明

是晉人新來未入故辭之不使前也此新來蓋聘使也晉人往因驪姬之難詛無畜羣公子故文襄之世

公子皆出在他國自成公更立公族國內始有公子  
故使之來聘也自晉適鄭當入西門而辭之東門者  
鄭城西臨洧水其西無門蓋使司寇出新客注新來  
從東門入為便故辭于東門

聘者禁舊客勿出於宮注為其知國情不欲令去音

義

為于偽反  
令力呈反

使子寬子上巡羣屏攝至于大宮注二

子鄭大夫屏攝祭祀之位大宮鄭祖廟巡行宗廟不

得使火及之音義

行下孟反下文行  
火下注復行同

疏

注正義曰子  
寬游古之子

世族譜子寬與游速渾渾罕為一人駟帶字子上六年  
死矣此別有子上非駟帶也世族譜雜人內有子上  
無子寬明子寬與渾罕為一人也楚語說事神之禮  
云使名姓之後能知犧牲之物彛器之量屏攝之位

壇場之所而心率舊典者為之宗知屏攝是祭祀使之位也鄭衆云攝攝束茅以為屏蔽其事或當然使

公孫登徙大龜注登開卜大夫使祝史徙主祔於周

廟告于先君注祔廟主石函周廟厲王廟也有火災

故合羣主於祖廟易救護音義祔音石函音疏注正

每廟木主皆以石函盛之當祭則出之事畢則納於

函藏於廟之北壁之內所以辟火災也文二年傳云

鄭祖厲王故知鄭之周廟是厲王之廟也既有災皆

須防守故合羣主就於祖王廟易救護也衛次仲云

右主八寸左主七寸廣厚三寸穿中央達四方也范

甯云天子主長尺二寸諸侯主長一尺也白虎通云

納之使府人庫人各儆其事注儆備火也音義儆音

西壁



疏

正義曰曲禮云在府言府在庫言庫皆是藏財賄之處故使其人各自儆守以防火也周官有大府

內府外府天府玉府泉府而無掌庫之官蓋府庫通言庫亦謂之府也諸侯國異政殊故府庫竝言也

商成公儆司宮注商成公鄭大夫司宮巷伯寺人之

官出舊宮人寘諸火所不及注舊宮人先公宮女音

義

寘之  
豉反

司馬司寇列居火道注備非常也行火所炊

注炊炙也音義

炊許  
靳反

城下之人伍列登城注為部伍

登城備姦也疏

正義曰此承司馬司寇之下亦是二官使之行火所炙欲令人救之也言

城下之人為部伍行列以登城亦是司馬司寇之人備姦寇也

明日使野司寇各保

其徵注野司寇縣士也火之明日四方乃聞災故戒

保所徵役之人疏

注正義曰傳言野司寇則司寇之官在野周禮司寇屬官有縣士掌

野知野司寇是縣士也鄭玄縣士注云地距王城二百里以外至三百里曰野三百里以外至四百里曰縣四百里以外至五百里曰都都縣野之地其邑非王子弟公卿大夫之采地則皆公邑也謂之縣縣士掌其獄焉言掌野者郊外曰野大總言之也獄居近野之縣獄在二百里上縣之縣獄在三百里上都之縣獄在四百里上如鄭此言采邑之民有獄則采地之官長各自斷之若公邑之民有獄則縣士斷之縣士司寇屬官所掌在野故此傳謂之野司寇也縣士職曰各掌其縣之民數而聽其獄訟若邦有大後聚衆庶則各掌其縣之禁令則諸侯縣士亦當然也縣士分在四方不聞火火之明日四方乃聞有災故戒

使各保其所應受徵役之人皆令  
具備以待上命慮有所須當徵之  
郊人助祝史除於

國北注為祭處於國北者就太陰禋火疏

正義曰周禮鄉在郊

內遂在郊外諸侯亦當然郊人當謂郊內鄉之人也  
祝史掌祭祀之官也使此鄉人助祝史除地在城之

北作壇場為祭處也就國北者  
南為陽北為陰就太陰禋火也禋火于亥寅回祿注

亥寅水神回祿火神音義

寅亡疏注正義曰月令冬丁反云其神亥寅知亥

寅水神也周語云夏之亡也回祿信於黔隧先儒注  
左傳及國語考皆云回祿火神或當有所見也二十  
九年傳脩及熙為亥寅則亥寅祭脩熙不知回祿祭  
何人楚之先吳回為祝融或云回祿即吳回也祭水  
神欲令水抑火祭火神欲令  
火自止禋其餘災慮更火也祈于四鄺注鄺城也城

積土陰氣所聚故祈祭之以禳火之餘災音義郈音容

書焚室而寬其征與之材注征賦稅也音義稅始銳反三

日哭國不市注示憂戚不會市使行人告於諸侯宋

衛皆如是陳不救火許不弔災君子是以知陳許之

先亡也注不義所以亡疏正義曰哀十七年楚滅陳也定六年鄭游速帥師滅

許其後復立許悼公之孫成是為元公其子結元年獲麟之歲也當戰國首為楚所滅○六月

邠人藉稻注邠音姓國也其君自出藉稻盖履行之

音義音疏注正義曰邠為姓世本文也周之六月夏之四月種稻之時其君自出觀行

之藉猶藉蹈藉踐履之義故為履  
行之服虔云藉耕種於藉田也  
邾人襲郕邾人將

閉門邾人羊羅攝其首焉注斬得閉門者頭疏

正義曰攝

訓為持也斬得閉門者首而持其頭

遂入之盡俘以歸郕子曰余無歸

矣從帑於邾邾莊公反郕夫人而舍其女注為明年

宋伐邾起音義

俘芳夫反帑音奴

疏

正義曰言止舍其女而留之

○秋葬

曹平公往者見周原伯魯焉注原伯魯周大夫與之

語不說學歸以語閔子馬閔子馬曰周其亂乎夫必

多有是說而後及其大人注國亂俗壞言者適多漸

以及大人夫人在位者音義

說學音悅以語魚據反

大人患失

而惑又曰可以無學無學不害注患有學而失道者

以惑其意不害而不學則苟而可注以為無害遂不

學則皆懷苟且於是乎下陵上替能無亂乎夫學殖

也不學將落原氏其亡乎注殖生長也言學之進德

如農之殖苗日新月益音義

替他計反殖時力反長丁丈反

疏

正義曰周

室其將亂乎夫其國內之人必多有是不說學問之說也國內多有此言而後流傳及其在位之大人大人謂公卿大夫也大人患其國內有多學而失其道者而疑惑於此言謂此言有道理也大人於是又為

言曰其實可以無學無學不為害也以為無害而遂不學則苟且而可也一國之人皆懷苟且不識上下之序不知尊卑之義於是在下者陵侮其上在上者替廢其位上下失分能無亂乎夫學如殖草木也令人日長日進猶草木之生枝葉也不學則才知日退將如草木之墜落枝葉也原氏其亡滅乎○七月鄭子產為火故大為社注為治也音義為火故于

為菟被禳於四方振除火災禮也注振棄也音義被芳

佛反徐疏正義曰祭社有常而云大為社者此非常音廢祭之月而為火特祭蓋君臣肅共禮物備

異大於常祭故稱大也周禮女巫巫掌被除釁浴被禳皆除凶之祭偏於四方之神如尚書咸秩無文苟可

祭者悉皆祭之所以振訊除去乃簡兵大菟將為菟火災禮也嫌多祭非禮故禮之

除注治兵於廟城內地隘故除廣之子大叔之廟在

道南其寢在道北其庭小注庭菟場也音義場直長反疏

正義曰鄭簡公之卒將為葬除亦欲毀游氏之廟則游吉宅近大路故數將徹毀也其廟當在宅內以其

居處狹隘故廟在道南寢在過期三日注處小不得

道北也寢即游吉所居宅也過期三日注處小不得

一時畢音義慮反疏正義曰此量其庭之大小而豫

欲除道使闢望及期得了使除徒陳於道南廟北曰

子產過女而命速除乃毀於而鄉注而女也毀女所

鄉音義女音汝注同鄉許亮子產朝注朝君過而怒

反本又作向注同



之注怒不毀除者南毀子產及衝使從者止之曰毀

於北方注言子產仁不忍毀人廟

音義

衝昌容反從才用反

火

之作也子產授兵登陴子大叔曰晉無乃討乎注辭

晉公子公孫而授兵似若叛晉

音義

陴婢反

子產曰吾

聞之小國忘守則危況有災乎國之不可小有備故

也既晉之邊吏讓鄭曰鄭國有災晉君大夫不敢寧

居卜筮走望不愛牲玉

音義

守手又反一音如字

疏

正義曰言為鄭卜筮

望

何故有災宜禱何神奔走而望祭之祭山川故為望也莊二十五年傳云天災有幣無牲而云不愛牲玉

者天之見異非求人飲食隨時告請則有幣無牲若祭求弭災者則當有牲雲漢之時美宣王為旱禱神云靡愛斯牲圭璧既卒亦是用牲玉也鄭之有災寡君之憂也今執事

惓然授兵登陴注惓然勁忿貌音義

惓退板反

疏

注正

義曰服虔云惓然猛貌也方言云惓猛也晉魏之間曰惓杜言勁忿貌亦是猛也但述晉人責鄭之意故以勁忿解之將以誰罪疏正義曰將以誰為罪而欲授兵疑其畏晉襲之欲禦晉擊之

邊人恐懼不敢不告子產對曰若吾子之言敝邑之

災君之憂也敝邑失政天降之災又懼讒慝之間謀

之以啟貪人荐為敝邑不利注荐重也音義

恐丘勇反慝他

得反間間廁之間存在以重君之憂幸而不亡猶可  
建反重直用反下文同

說也注說解也不幸而亡君雖憂之亦無及也鄭有

他竟望走在晉注言鄭雖與他國為竟每瞻望晉歸

赴之音義

竟音境

疏

正義曰其所瞻望奔走而歸之者唯在晉耳

既事晉矣

其敢有二心注傳言子產有備疏

注正義曰國有災懼被人襲登陴固

守是有備也

○楚左尹王子勝言於楚子曰許於鄭仇敵

也而居楚地以不禮於鄭注十三年平王復遷邑許

自夷還居葉恃楚而不事鄭疏

正義曰當時許都於葉釋例土地名葉在

楚界許本偪於鄭請遷近楚楚以葉與之故為居楚地注正義曰案十二年云楚師之滅蔡也靈王遷許胡沈道房申於荆則許從夷遷向荆也平王復之當從荆却向夷自夷向葉注不言自荆還葉者蓋以許遷于夷見經故據以晉鄭方睦鄭若伐許而晉助之為言其實自荆遷也

楚喪地矣君盍遷許許不專於楚注自以舊國不專

心事楚音義

喪息浪反疏注正義曰劉炫云當時許盍戶臘反之於楚更無異望非敢恃

舊國不事楚當以畏鄭之故外設備禦不得專心事楚耳今杜必以為舊國不專心事楚者以此傳許謂鄭人云余舊國許畏於鄭尚以舊國不肯事鄭明以舊國亦不專心事楚劉以為畏鄭不專心事楚苟背傳文而規鄭方有令政許曰余舊國也注許先鄭封杜氏非也

音義先悉鄭曰余俘邑也注隱十一年鄭滅許而復

存之故曰我俘邑音義復扶葉在楚國方城外之蔽

也注為方城外之蔽障音義障章土不可易注易輕

也音義易以國不可小注謂鄭許不可俘讎不可啟

君其圖之楚子說音義說音冬楚子使王子勝遷許

於析實白羽注於傳時白羽改為析音義析星

經十有九年春宋公伐邾注為邾音義為子

偽反

夏五月戊辰許世子止弑其君買注加弑者責止不舍

藥物音義

弒音試  
舍音捨

疏

注正義曰案傳許君飲止之藥而卒耳實非止弒也言書曰弒其君

則仲尼新意書弒也實非弒而加弒者責止事父不舍其藥物言藥當信醫不須己自為也釋例曰醫非三世不服其藥古之慎戒也人子之孝當盡心嘗禱而已藥物之齊非所習也許止身為國嗣國非無醫而輕果進藥故罪同於弒雖原其本心而春秋不赦其罪蓋為教之遠防也

己卯地震注無傳

秋齊高發帥師伐莒

冬葬許悼公注無傳

傳十九年春楚工尹赤遷陰于下陰注陰縣今屬南

鄉縣令尹子瑕城邾叔孫昭子曰楚不在諸侯矣其  
僅自完也以持其世而已注遷陰城邾皆欲以自完

守音義

邾古洽反僅音覲持如字本或作恃怙之恃非也

○楚子之在蔡也

注蓋為大夫時往聘蔡疏

注正義曰賈逵云楚子在蔡為蔡公時也杜以楚子

十一年為蔡公十三年而即位若在蔡生子唯十二歲耳未堪立師傅也至今七年未得云建可室矣故

疑為大夫時聘蔡也

邾陽封人之女奔之生太子建注邾陽蔡

邑音義

邾古反

及即位使伍奢為之師注伍奢伍舉之

子伍員之父音義

員音云

費無極為少師無寵焉欲譖

諸王曰建可室矣注室妻也音義

少詩照反

王為之聘於

秦無極與逆勸王取之正月楚夫人嬴氏至自秦注

王自取之故稱夫人至為下拜夫人起音義

王為于偽反注

同與音預  
贏音盈

○鄆夫人宋向戌之女也故向寧請師注

寧向戌子也請於宋公伐邾音義

向傷亮反  
戌音恤

二月宋

公伐邾圍蟲三月取之注蟲邾邑不書圍取不以告

音義

蟲直中反

疏

正義曰隱四年莒人伐杞取牟婁僖二十三年齊侯伐宋圍緡伐國而圍邑

取邑皆書於經知此不書圍取不以告也

乃盡歸鄆俘○夏許悼公瘞五



月戊辰飲太子止之藥卒注止獨進藥不由醫音義

瘧魚畧疏

注正義曰言飲太子止之藥專以反病也止為藥主是止獨進藥不由醫也

太子奔

晉書曰弑其君君子曰盡心力以事君舍藥物可也

注藥物有毒當由醫非凡人所知譏止不舍藥物所

以加弑君之名音義

舍音捨下注舍于同疏正義曰此君子論

臣子盡心盡力以事君父如禮記文王世子之為即自足矣如此則舍去藥物已不干知於禮可也此許世子不舍藥物致令君死是違人子之道故春秋書其弑君解經書弑君之意也

○邾人鄭

人徐人會宋公乙亥同盟于蟲注終宋公伐邾事音

義

鄭五兮反

○楚子為舟師以伐濮注濮南夷也音義

濮音

卜

疏

正義曰費無極因此生意令王收南方使太子居城父舉此為發端

費無極言於

楚子曰晉之伯也邇於諸夏而楚辟陋故弗能與爭

若大城城父而寘太子焉注城父今襄城城父縣音

義

伯音霸又如字夏戶雅反辟匹亦反父音甫寘之豉反

以通北方王收南方

是得天下也王說從之故太子建居于城父令尹子

瑕聘于秦拜夫人也注為明年譖太子張本故以為

夫人遣謝秦音義

說音悅

○秋齊高發帥師伐莒注莒

不事齊故莒子奔紀障注紀障莒邑也東海贛榆縣

東北有紀城音義

障音章贛古弄反如淳音耿奔反榆音俞

使孫書伐之

注孫書陳無宇之子子占也初莒有婦人莒子殺其

夫已為嫠婦注寡婦為嫠音義

嫠力之反本又作釐

及老託於

紀障紡焉以度而去之注因紡纁連所紡以度城而

藏之以待外攻者欲報讎音義

紡芳往反度待洛反注同去起呂反裴松

之注魏志云古人謂藏為去案今疏正義曰紡謂紡關中猶有此音纁力吳反麻縷也麻作纁也此婦人以麻纁度城高下令長與城等而去藏之去即藏也字書去作奔羗莒反謂掌物也今關西仍呼為奔

東人輕言為去音莒劉炫云紡謂紡麻作纊為布作  
纊之法有小繩紀其升縷纊既為布繩無所用婦人  
不肯棄之積而留之以此小繩度城而去之注正義  
曰連所紡者謂連所紡之纊以為繩故下云投繩城  
外或解以連紀纊之繩然紀纊之繩其物細小而短  
何可以度城婦人意欲報讎故藏纊以為繩故杜云  
連所紡所及師至則投諸外注投繩城外隨之而出  
紡即纊也

疏

注正義曰傳言投諸外者當是繫繩城上而投其  
所垂於外婦人則隨之而出劉炫云唯投繩城外

婦人不出今知不然者婦人既託於縋登則是愛惜  
身命若投繩不去身則交死若唯繫繩城上則身不  
離城何得言獻諸子占明知將此婦人而獻之子占  
師則因繩在城而夜縋登焉劉以為唯投城外而規  
杜氏或獻諸子占子占使師夜縋而登注縋繩登城  
非也

音義

偽直反

登者六十人縋絕師鼓譟城上之人亦譟

莒共公懼啟西門而出七月丙子齊師入紀注傳言

怨不在大音義

譟素報反城上之人亦譟一本作上之人亦譟共音恭

疏

正義曰此

紀即上紀鄆也釋例土地名於莒地有紀鄆紀二名東海贛榆縣東北有紀城

○是歲也鄭

駟偃卒子游娶於晉大夫生絲弱注子游駟偃也弱

幼少音義

少詩照反

其父兄立子瑕注子瑕子游叔父駟

乞疏

注正義曰案世本子游子瑕竝公孫夏之子杜云叔父未詳

子產憎其為人

也注憎子瑕且以為不順注舍子立叔不順禮也弗

許亦弗止注許之為違禮止之為違衆故中立駟氏

聳注聳懼也音義

聳息勇反疏注正義曰釋詁云疎與疎音義同

他日

綏以告其舅冬晉人使以幣如鄭問駟乞之立故駟

氏懼駟乞欲逃子產弗遣請龜以卜亦弗予大夫謀

對子產不待而對客曰鄭國不天注不獲天福寡君

之二三臣札瘥夭昏注大死曰札小疫曰瘥短折曰

夭未名曰昏音義

札側八反一音截字林作𠂔壯列反云夭死也瘥才何反字林作瘥

天於表反昏如字疫音役疏注正義曰此皆賈達言也周禮大司

是札大疫死也爾雅云瘥病也以此說死事而與札相對故解云小疫也成二年傳說鄭靈公早死云天子蠻是天為少死也尚書六極一曰凶短折孔安國云短未六十折未三十是短折為早死之名故為夭也子生三月父名之未名之曰昏謂未三月而死也未名不得為臣總說諸死連言之耳今又喪我先大夫偃其子幼弱其一二父兄懼隊宗主私族於謀而立長親注於私族之謀宜立親之長者音義喪息浪反隊直類疏正義曰大夫繼世為一宗之主反長丁丈反注同疏恐隊失之也服虔云柘主藏於宗廟故曰宗主少牢饋食大寡君與其二三老曰抑夫禮也大夫無主何所隊乎

天實剝亂是吾何知焉注言天自欲亂駟氏非國所

知音義

剝邦角反

疏

正義曰二三老者鄭之卿大夫也服虔云二三老駟偃家臣上言私族於

謀而立長親豈得家臣不知也

諺曰無過亂門民有兵亂猶憚過之

而况敢知天之所亂今大夫將問其故抑寡君實不

敢知其誰實知之平丘之會注在十三年音義

諺音彥過

古禾反下同一音古卧反憚待旦反

君尋舊盟曰無或失職若寡君之

二三臣其即世者晉大夫而專制其位是晉之縣鄙

也何國之為辭客幣而報其使晉人舍之注遣人報

晉使音義

使所吏反注同

○楚人城州來沈尹戌曰楚人必



敗注十三年吳縣州來今就城而取之戍莊王曾孫

葉公諸梁父也音義

戍音恤葉  
始涉反

昔吳滅州來注在十

三年子旗請伐之王曰吾未撫吾民今亦如之而城

州來以挑吳能無敗乎侍者曰王施舍不倦息民五

年可謂撫之矣音義

旗音其挑  
徒了反

疏

正義曰平王以十  
三年五月始即位

其年兵亂未息今歲又役

民城州來其間唯有五年戍曰吾聞撫民者節用於

內而樹德於外民樂其性而無寇讎今宮室無量民

人日駭勞罷死轉注轉遷徙也音義

樂音洛罷音  
皮本或作疲疏

正義曰性生也兵革竝起則民不樂生國家和平則樂生

忘寢與食非撫之也注

傳言平王所以不能霸○鄭大水龍鬪于時門之外

洧淵注時門鄭城門也洧水出滎陽密縣東南至潁

川長平入潁音義

洧于軌反

國人請為滎焉音義

滎為命反

疏

正義曰滎祭名元年傳曰山川之神則水旱癘疫之不時於是乎滎之

子產弗許曰我

鬪龍不我覲也注覲見也音義

覲大歷反見賢遍反

龍鬪我獨

何覲焉禳之則彼其室也注淵龍之室吾無求於龍

龍亦無求於我乃止也注傳言子產之知音義

知音智

疏

正義曰言禳之則彼淵是其室也其室既近禳之不難但吾無求於龍龍亦無求於我乃止也言其

祭不復

○令尹子瑕言蹶由於楚子注蹶由吳王弟五

年靈王執以歸音義

蹶九衛反

曰彼何罪諺所謂室於怒

市於色者楚之謂矣注言靈王怒吳子而執其弟猶

人忿於室家而作色於市人疏

正義曰室內於自家相瞋怒市於他人作

色忿舍前之忿可也乃歸蹶由注言楚子能用善言音

義

舍音捨又音赦

春秋左傳注疏卷四十八

春秋左傳注疏卷四十八考證

傳唯正月朔慝未作日有食之於是乎伐鼓用幣禮也  
其餘則否大史曰在此月也○漢書五行志引此傳  
劉歆說曰正月謂周六月夏四月正陽純乾之月也  
慝謂陰爻也冬至陽爻初起故曰復至建巳之月為  
純乾亡陰爻而陰侵陽為災重故伐鼓用幣責陰之  
禮

傳故夏書曰辰不集于房○劉歆曰夏書乃季秋月朔

非正陽之月詩十月之交朔日辛卯日有食之亦孔之醜然則古人不獨以正月日食為醜矣傳所言未可信也

臣照

按日食乃天行一定之度數與昏旦中

星無以異也星官推步可以不爽銖黍而自古重以為災者何歟或曰古人算法疎濶不知其為一定自夏書以來傳以為災中庸曰雖聖人有所不知焉此之謂矣或曰聖人未始不知日食之有定期也辟之壽命修短不因疾病與否而父母有疾未有不憂之

理故明知日食之有定期而不得不以為災焉孔子作春秋但記何年何月日食而無明訓其故不可得而知矣

傳昭子問焉曰少皞氏鳥名官何故也○臣召南按魯

是少皞之墟鄭又少昊之裔故問之

又注少皞金天氏黃帝之子已姓之祖也○臣浩按

此注則鄭國姓已與芑為同姓矣

傳太皞氏以龍紀故為龍師而龍名疏包犧氏之王天

下也即太皞太皞身號伏犧代號也○監本脫太皞二字今添

傳伯趙氏司至者也疏此鳥以夏至來冬至去○去上監本衍一止字今刪

傳鵲鳩氏司事也注鵲鳩鵲鳩也○各本俱誤作鵲鳩也爾雅釋鳥云鵲鳩鵲鳩非鳩類今據爾雅改正傳五雉為五工正疏南方曰曷○各本俱訛作南方曰翟疏引爾雅釋鳥不得改其文也今改正曷音雋



傳自顓頊以來不能紀遠○臣召南按南正北正及勾

芒祝融后土蓐收元冥之官分掌木火土金水皆始  
於高陽氏所謂命以民事也

傳冬有星孛于大辰西及漢○臣召南按俗讀有星孛

于大辰為句西及漢為句非也當以有星孛于大辰  
西為句注疏甚明又按漢書五行志引此傳劉歆說  
曰大辰房心尾也八月心星在西方孛從其西過心  
東及漢也

傳申須曰○五行志引此作申繻

傳宋大辰之虛也陳太皞之虛也鄭祝融之虛也○五

行志注師古曰虛讀皆曰墟

傳其星為大水○臣召南按心為大火書傳多用之營

室為大水見於此文而已

傳水火所以合也○五行志注張晏曰水以天一為地

二牡丙與午南方火也子及壬北方水也又其配合

邾人入郈○林堯叟曰郈小國姒姓禹之後臣召南按

杜注言妘姓是也林說非

傳丙子風梓慎曰是謂融風○五行志注張晏曰融風  
立春木風也淮南子曰東北曰炎風高誘以為艮氣  
所生也炎風一名融風七日其火作乎丙子至壬午  
既其配合之日又火以七為紀

傳使子寬子上巡羣屏攝䟽鄭衆云攝攝束茅以為屏  
蔽其事或當然○臣浩按疑當作屏攝束茅以為屏  
蔽各本俱兩攝字相連疑誤

傳六月邠人藉稻疏服虔云藉耕種於藉田也○趙汭

補注曰國語宣王不藉千畝下云及藉膳夫農正陳  
藉禮王耕一墦則藉者耕種藉田之名記云天子田  
藉千畝諸侯百畝則諸侯比天子特多寡不同而已  
其禮則一此但言藉稻者如周禮掌稼下地者但名  
稻人舉一以包其餘也舊說誤以藉為藉蹈又轉為  
履行學者疑之遂引此為周不改月之証不以服說  
考之故也

傳原氏其亡乎○王應麟曰周之衰也自原伯魯之不  
說學秦之亡也自子楚之不習誦

傳祓禳于四方振除火災疏所以振訊除去火災○臣

浩

按振訊應作振迅各本俱誤作訊

春秋左傳注疏卷四十八考證

謹案第二頁後八行注謂上公刊本監本毛本謂訛請據宋本改

第八頁後三行疏青鳥鷦鷯諸本鳥訛為據宋本改

第二十二頁後八行疏晉人往因驪姬之難刊本驪訛麗今改

第二十八頁前八行疏而云不愛牲玉者諸本而云訛作若祭據宋本改

第二十九頁前七行注十三年訛作十五年今改  
第三十五頁前六行疏恐隊失之也刊本也訛以  
今改



欽定四庫全書

覆校官編修臣項家達

校對官檢討臣郭寅

膳錄監生臣劉垠

欽定四庫全書薈要

經部

左傳注疏卷四十九

詳校官原任侍講

臣王燕緒



欽定四庫全書薈要卷一千一百六十五

經部

春秋左傳注疏卷四十九

起昭公二十  
年盡二十年

晉杜氏注 唐陸德明音義 孔穎達疏

十年春王正月

夏曹公孫會自鄆出奔宋注無傳嘗有玉帛之使來告

故書鄆曹邑音義

鄆莫公反一音亡增反字林音夢  
案夢字字林亡忠反使所吏反

疏

注正義曰宣十年傳例曰凡諸侯之大夫違告於諸侯曰某氏之守臣某失守宗廟敢告所有玉帛之使者則告不然則否注云玉帛之使謂聘恩好不接故不告如杜之意此為奔者之身嘗有玉帛之使於彼國已經相

接則告若奔者未嘗往聘恩好不接則不告唯告奔者嘗聘之國餘不告也曹會曾來聘魯故云嘗有玉帛之使來告故書也此與二十二年宋華亥向寧華定自宋南里出奔楚其文正同彼華亥等入南里以叛又從南里出奔則此亦應然賈逵云前此以鄆叛也叛便從鄆而出叛不告故不書是言既以鄆叛又從鄆而出也南里繫宋此鄆不繫曹者鄆是大都得以名通南里是宋都之里非別邑故繫於宋此鄆及定十一年蕭皆是別邑故不繫國也曹是小國其臣書名者少此會書名蓋備於禮成為卿也釋例曰小國之卿或命而禮儀不備或未加命數故不書之邾我之等其奔亡亦多所書唯數人而已知其合制者少也杜言數人謂此公孫會與邾快邾卑我也是杜意以會備禮成卿故書名也劉炫云春秋未嘗書曹人來聘非徒會不見經炫謂玉帛之使謂國家有所交好皆告之非奔者之身嘗聘也今賈又云所以華亥向寧射姑等不見有玉帛來聘者以

其時未  
為卿也

秋盜殺衛侯之兄繫注齊豹作而不義故書曰盜所謂

求名而不得音義

繫張疏注正義曰襄十年鄭尉止司  
立反疏臣等殺子駒子國書曰盜殺

鄭公子駢公子發尉止之徒皆士書之為盜釋例曰士  
殺大夫則書曰盜則此書盜貶之使同於士也三十一

年傳說春秋褒貶之義云或求名而不得或欲蓋而名  
彰懲不義也齊豹為衛司寇守嗣大夫作而不義其書

為盜又曰春秋書齊豹曰盜懲不義也宣十七年傳例  
曰凡稱弟皆母弟公羊傳曰母兄稱兄此繫與衛侯同

母故  
稱兄

冬十月宋華亥向寧華定出奔陳注與君爭而出皆書

名惡之音義

華戶化反爭爭關之爭惡烏路反

十有一月辛卯蔡侯盧卒注無傳未同盟而赴以名音

義

盧力烏反本又作廬力於反

傳二十年春王二月己丑日南至注是歲朔旦冬至

之歲也當言正月己丑朔日南至時史失閏閏更在

二月後故經因史而書正月傳更具於二月記南至

日以正厯也疏

注正義曰厯法十九年為一章章首之歲必周之正月朔旦冬至僖五年

正月辛亥朔日南至是章首之歲年也計僖五年至往年合一百三十三年是為七章今年復為章首故

云是歲朔旦冬至之歲也朔旦冬至謂正月之朔當言正月己丑朔日南至今傳乃云二月己丑日南至是錯名正月為二月也歷之正法往年十二月後宜置閏月即此年正月當是往年閏月此年二月乃是正月故朔日己丑日南至也時史失閏往年錯不置閏閏更在二月之後傳於八月之下乃云閏月戊辰殺宣姜是閏在二月後也不言在八月後而云在二月後者以正月之前當置閏二月之後即不可故據二月言之時史謂閏月為正月故經因史而書正月從其誤而書之傳以經之正月實非正月更具於二月記南至之日以正歷之失也日南至者謂冬至也冬至者周之正月之中氣歷法閏月無中氣中氣必在前月之內時史誤以閏月為正月而置冬至於二月之朔既不曉歷數故閏月之與冬至悉皆錯也杜下注云時魯侯不行登臺之禮使梓慎望氛是杜意以為時魯之君臣知此己丑是冬至之日但不知其

不合在二月耳服虔云梓慎知失閏二月冬至故獨以二月望氣則服意以為當時魯人置冬至於正月之內獨梓慎知二月己丑是真冬至耳其義或當然也梓慎望氛注氛氣也時

魯侯不行登臺之禮使梓慎望氛音義氛芳云反曰今茲

宋有亂國幾亡三年而後弭蔡有大喪注為宋華向

出奔蔡侯卒傳音義幾音祈又音機弭彌爾反叔孫昭子曰然則

戴桓也注戴族華氏桓族向氏汰侈無禮已甚亂所

在也注傳言妖由人興音義汰音泰○費無極言於楚

子曰建與伍奢將以方城之外叛自以為猶宋鄭也



齊晉又交輔之將以害楚其事集矣王信之問伍奢  
伍奢對曰君一過多矣注一過納建妻何信於讒王  
執伍奢注忿奢切言使城父司馬奮揚殺太子未至  
而使遣之注知太子冤故遣令去音義

奮方問反冤於元反令力

呈反三月太子建奔宋王召奮揚奮揚使城父人執已

以至疏

正義曰服虔云城父人城父大夫也

王曰言出於余口入於爾

耳誰告建也對曰臣告之君王命臣曰事建如事余  
臣不佞注佞才也不能苟貳奉初以還注奉初命以

周旋不忍後命故遣之既而悔之亦無及已王曰而  
敢來何也對曰使而失命召而不來是再奸也注奸  
犯也音義使而所吏反又逃無所入王曰歸從政如

他日注善其言令使還音義還音環下無極曰奢之

子材若在吳必憂楚國盍以免其父召之彼仁必來  
不然將為患王使召之曰來吾免而父棠君尚謂其

弟員注棠君奢之長子尚也為棠邑大夫員尚弟子

胥音義

孟戶臘反棠君尚君或作尹員音云長丁丈反

曰爾適吳我將歸死

吾知不逮注自以知不及員音義

知音智注及下知也同一音如字逮

音代一音大計反

我能死爾能報聞免父之命不可以莫之

奔也親戚為戮不可以莫之報也奔死免父孝也度

功而行仁也注仁者貴成功音義

度待洛反

擇任而往知

也注員任報讐音義

任音壬注同

知死不辟勇也注尚為

勇父不可棄注俱去為棄父名不可廢注俱死為廢

名爾其勉之相從為愈注愈差也音義

差初疏正義賣反

謂努力爾其勉之令勉力報讐此於相從俱死為愈也病差為之愈言其勝共死也服虔云相從愈於共

死則服意相從使員從其言也語法兩人交  
互乃得稱相獨使員從己語不得為相從也  
伍尚歸

奢聞員不來曰楚君大夫其盱食乎注將有吳憂不

得早食音義

盱古旦反

楚人皆殺之員如吳言伐楚之利

於州于注州于吳子僚音義

僚力彫反

公子光曰是宗為

戮而欲反其讐不可從也注光吳公子闔廬也反復

也員曰彼將有他志注光欲殺僚不利員用事故破

其議而員亦知之余姑為之求士而鄙以待之注計

未得用故進勇士以求入於光退居邊鄙音義

姑為于偽

反乃見鱄設諸焉注鱄諸勇士音義

見賢遍反  
鱄音專

疏正

曰見謂為之紹介使之見光下文齊豹見宗魯於公孟亦然猶論語云門人見之也

而耕於鄙

注為二十七年吳弑僚傳音義

弑中志反

○宋元公無信

多私而惡華向華定華亥與向寧謀曰亡愈於死先

諸注恐元公殺已欲先作亂音義

惡音烏  
路反

華亥偽有

疾以誘羣公子公子問之則執之夏六月丙申殺公

子寅公子御戎公子朱公子固公孫援公孫丁拘向

勝向行於其廩注八子皆公黨音義

御魚呂反又如  
字援于春反拘

九于反廩  
力甚反

公如華氏請焉弗許遂劫之注劫

正義

曰公未知諸人已  
死故猶往請之

癸卯取大子欒與母弟辰公子地

以為質注欒景公也辰及地皆元公弟音義

欒力官反質音

致下同辰及地皆元公弟案公子辰是景公之母弟  
地是辰兄皆當為元公之子今注皆作元公弟誤耳

疏

注正義曰定十年經書宋公之弟辰當景公之世  
辰及地不得為元公弟也世族譜辰地皆云元公

子此諸本皆云元公  
弟當時傳寫誤耳

公亦取華亥之子無感向寧之

子羅華定之子啟與華氏盟以為質注為此冬華向

出奔傳音義

感于歷反

○衛公孟縶狎齊豹注公孟靈公

兄也齊豹齊惡之子為衛司寇狎輕也音義狎戶反奪

之司寇與鄆注鄆豹邑音義鄆音有役則反之無則

取之注繫足不良故有役則以官邑還豹使行公孟

惡北宮喜褚師圃欲去之注喜貞子音義惡烏路反

國布反反公子朝通于襄夫人宣姜注宣姜靈公嫡

母音義朝如字嫡丁歷反本又作適懼而欲以作亂故齊豹北宮

喜褚師圃公子朝作亂初齊豹見宗魯於公孟注薦

達也音義見賢遍反為駢乘焉注為公孟駢乘音義駢七南反

乘繼證反注及下駟乘與將作亂而謂之曰公孟之

不善子所知也勿與乘吾將殺之對曰吾由子事公

孟子假吾名焉故不吾遠也注言子借我以善名故

公孟親近我音義與音預又如字遠于萬反雖其不

善吾亦知之抑以利故不能去是吾過也今聞難而

逃是僭子也注使子言不信也音義難乃旦反子行

事乎吾將死之以周事子注周猶終竟也疏注正義曰杜意

終不泄子言是終事而歸死於公孟其可也丙辰衛



侯在平壽注平壽衛下邑公孟有事於蓋獲之門外

注有事祭也蓋獲衛郭門齊子氏帷於門外而伏甲

焉注齊豹之家使祝鼃寘戈於車薪以當門注要其

前也音義

鼃烏姑反寘之  
歧反要一遙反

使一乘從公孟以出注亦

如前車寘戈於薪尋其後音義

從如字又  
才用反

使華齊御

公孟宗魯驂乘及閼中注閼曲門中音義

華戶化反  
下同閼音

宏疏

正義曰諸本皆華上有使字計華齊是公孟之  
臣自為公孟之御非齊氏所當使必不得有使

字學者以上文有使祝鼃使一乘下有使華寅乘貳  
車使華寅執蓋以此妄加使字今定本有使非也

齊氏用戈擊公孟宗魯以背蔽之斷肱以中公孟之

肩皆殺之公聞亂乘驅自閤門入慶比御公公南楚

驂乘使華寅乘貳車注公副車音義

斷丁管反肱古弘反中丁仲反

下中南楚同乘驅如字又繩證反閱音悅比如字又毗志反

疏

正義曰乘驅者乘車而疾驅也閤門

者衛城門蓋偏側之門其路遠齊氏

及公宮鴻駟馳駟乘于公注鴻駟

復就公乘一車四人音義

駟音留馳徒回反復扶又反

公載寶以

出褚師子申遇公于馬路之衢遂從注從公出音義

衢其俱反從才用反注及下注同

過齊氏使華寅肉袒執蓋以當其

闕注肉袒示不敢與齊氏爭執蓋蔽公而去闕空也

以蓋當侍從空闕之處音義

袒徒旱反爭爭闕之爭處昌慮反

齊氏

射公中南楚之背公遂出寅閉郭門注不欲令追者

出音義

射食亦反令力呈反

踰而從公注踰郭出音義

從才用反又如

字下從公同

公如死烏注死烏衛地折朱鉏宵從竇出徒

行從公注朱鉏成子黑背孫音義

析星厯反鉏仕居反竇音豆

齊

侯使公孫青聘于衛注青頃公之孫音義

頃音傾

既出

聞衛亂使請所聘公曰猶在竟內則衛君也乃將事

馬注將事行聘事音義

竟音境

遂從諸死鳥請將事辭

曰亡人不佞失守社稷越在草莽吾子無所辱君命

賓曰寡君命下臣於朝曰阿下執事注阿比也命已

使比衛臣下音義

莽莫蕩反

臣不敢貳注貳違命也主人

曰君若惠顧先君之好昭臨敝邑鎮撫其社稷則有

宗祧在注言受聘當在宗廟也音義

好呼報反桃他彫反

乃止

注止不行聘事衛侯固請見之注欲與青相見不獲

命以其良馬見注以為相見之禮音義

馬見賢遍反下注客禮見

同 為未致使故也注未致使故不敢以客禮見音義

為于偽反使疏注正義曰客禮見者若已致君命則所更反注同疏享有庭實復有私覲私面之禮今為

未致使故但衛侯以為乘馬注喜其敬已故貴其物以良馬見也

音義

乘繩證反又如字

賓將擷注擷行夜音義

擷側九反又祖侯反行下

孟疏

注正義曰下文終夕與於燎故知擷是行夜也說文云擷夜戒有所擊也從手取聲

主人

辭曰亡人之憂不可以及吾子草莽之中不足以辱

從者敢辭賓曰寡君之下臣君之牧圉也若不獲扞

外役是不有寡君也注有相親有音義

從才用反圉魚呂反扞戶

旦臣懼不免於戾請以除死親執鐸終夕與於燎注

設火燎以備守音義

鐸待洛反與音預下不與聞謀與於青之賞同燎九召反又力

弔反一本作終夕與於燎齊氏之宰渠子召北宮子注北宮喜也

北宮氏之宰不與聞謀殺渠子遂伐齊氏滅之丁巳

晦公入與北宮喜盟于彭水之上注喜本與齊氏同

謀故公先與喜盟疏

正義曰丙辰丁巳乃是頻日其事既多不應二日之中并為此

事今杜不云日誤者以誤在可知故杜不言且宣二年壬申朝于武宮注云壬申十月五日既有日而無月冬又在壬申下明傳文無較例又注哀十一年傳云此事經在十二月蠡上今倒在下更具列其月以

為別者立明本不以為義例故不皆齊同如杜此言  
或傳因簡牘之辭不復具顯其日月劉炫以為日誤  
而規杜氏非也秋七月戊午朔遂盟國人八月辛亥公子朝

褚師圃子玉霄子高魴出奔晉注皆齊氏黨閏月戊  
辰殺宣姜注與公子朝通謀故衛侯賜北宮喜諡曰

貞子注滅齊氏故疏

正義曰諡法外  
內用情曰貞

賜析朱鉏諡曰

成子注宵從公故而以齊氏之墓子之注皆未死而  
賜諡及墓田傳終而言之衛侯告寧于齊且言子石

注子石公孫青言其有禮疏

注正義曰案世本頃公  
生子夏勝勝生子石青

是齊侯將飲酒徧賜大夫曰二三子之教也注喜青

敬衛侯音義

徧音

苑何忌辭曰與於青之賞必及於

其罰注何忌齊大夫言青若有罪亦當并受其罰音

義

苑於元反

在康誥曰父子兄弟罪不相及注尚書康誥

疏

正義曰此非康誥之全文引其意而言之其本文云子弗祇服厥父事大傷厥考心于父不能字厥

子乃疾厥子于弟弗念天顯乃弗克恭厥兄兄亦不念鞠子哀大不友于弟惟弔茲不于我政人得罪孔安國云至此不孝不慈弗友不恭不於我執政之人得罪乎導教不至所致又曰文王作罰刑茲無赦言刑此不孝不慈之人無赦也刑不慈者不可刑其父又刑其子刑不孝者不可刑其子又刑其父是為父



子兄弟罪不相及

況在羣臣臣敢貪君賜以干先王注言受

賜則犯康誥之義琴張聞宗魯死注琴張孔子弟子

字子開名牢音義

牢力反

疏

注正義曰家語云孔子弟子琴張與宗魯友七十子

篇云琴牢衛人字子開一字張則以字配姓為琴張即牢曰子云是也賈逵鄭衆皆以為子張即顓孫師服虔云案七十子傳云子張少孔子四十餘歲孔子是時四十知未有子張鄭賈之說不知所出

往弔之仲尼曰齊豹之盜而孟縶之賊女何弔焉注

言齊豹所以為盜孟縶所以見賊皆由宗魯音義

女音

汝君子不食姦注知公孟不善而受其祿是食姦也

不受亂注許豹行事是受亂也不為利疚於回注疚

病回邪也以利故不能去是病身於邪音義

為于偽反疚居

又反邪似嗟反下同

不以回待人注知難不告是以邪待人音

義

難乃旦反下同

不蓋不義注以周事豹是蓋不義不犯非

禮注以二心事繫是非禮○宋華向之亂公子城注

平公子公孫忌樂舍注舍樂喜孫司馬彊向宜向鄭

注宜鄭皆向戌子楚建注楚平王之亡太子鄭申注

小邾穆公子音義

鄭五兮反

出奔鄭注八子宋大夫皆公

黨辟難出其徒與華氏戰於鬼閭注八子之徒衆也

潁川長平縣西北有閭亭音義

閭似廉反又似冉反

敗子城子

城適晉注子城為華氏所敗別走至晉為明年子城

以晉師至起本疏

正義曰上云八子奔鄭而此又云適晉者子城本意與七子同心奔

鄭故上云奔鄭及其敗後遂率意適晉以請師

華亥與其妻必盟而食所質

公子者而後食公與夫人每日必適華氏食公子而後歸華亥患之欲歸公子向寧曰唯不信故質其子若又歸之死無日矣公請於華費遂將攻華氏注費

遂大司馬華氏族音義

澁古緩反而食音嗣下食公  
子同贊音致下同費扶味反

對曰臣不敢愛死無乃求去憂而滋長乎注恐殺大

子憂益長音義

去起呂反長丁  
丈反注及下同

臣是以懼敢不聽命

公曰子死亡有命余不忍其詢注詢耻也音義

詢許  
侯反

本或作  
疏

正義口言我子死亡自有天命天命欲盡  
非人所免我不忍其耻欲喪子以伐之

冬十月公殺華向之質而攻之戊辰華向奔陳華登

奔吳注登費遂之子黨華向者向寧欲殺大子華亥

曰于君而出又殺其子其誰納我且歸之有庸注可

以為功善使少司寇掙以歸注以三公子歸公也掙

華亥庶兄音義

少詩照反下注少  
畔同掙告耕反

曰子之齒長矣不

能事人以三公子為質必免注質信也送公子歸可

以自明不叛之信音義

質如字  
注同

疏

正義曰言年齒既  
長不能他國事人

為公子既入華掙將自門行注從公門去公遽見之

執其手曰余知而無罪也入復而所注而女也所所

居官音義

遽其據反  
女音汝

○齊侯疥遂痞注痞瘧疾音義

疥舊音戒梁元帝音該依字則當作瘵說文云兩目  
一發之瘵也瘵音皆後學之徒僉以疥字為誤案傳

例因事曰遂若痲已是癰疾疏正義口後魏之世嘗何為復言遂疔乎疔失廉反疏使李繪聘梁梁人袁

狎與繪言及春秋說此事云疔當為痲痲是小癰疔是大癰疔患積久以小致大非疔也狎之所言梁主

之說也案說文疔搔也癰熱寒并作疔有熱癰痲二

日一發癰今人癰有二日一發亦有類日發者俗人

仍呼二日一發久不差者為痲癰則梁主之言信而

有徵也是齊侯之癰初二日一發後遂類日熱發故

曰疔遂疔以此久不差故諸侯之賓問疾者多在齊

也若其不然疔搔小患與癰不類何云疔遂疔乎徐

仙民音作疔是先儒舊說皆為疔期而不瘳諸侯之

遂疔初疔後癰耳今定本亦作疔

賓問疾者多在注多在齊音義

期音基瘳疏正義曰勅留反

有六旬又六日法天數三百六十五度四分度之一  
帝言問從全數故言三百六十八日合三百六十

五日又四分度之一分欠三分不成六日大月却還天序十度小月不盡置閏梁丘據與裔

款注二子齊嬖大夫音義

裔以制反  
嬖必計反

言於公曰吾事

鬼神豐於先君有加矣今君疾病為諸侯憂是祝史之罪也諸侯不知其謂我不敬君盍誅於祝固史嚚

以辭賓注欲殺嚚固以辭謝來問疾之賓音義

盍戶臘反

嚚魚疏

注正義曰服虔云祝固齊大祝史嚚大史也謂祝史之固陋嚚闇不能盡禮薦美至於鬼

神怒也其意以為請誅祝史之嚚闇固陋者嚚固非人名也祭莊三十二年神降于莘號公使祝應宗嚚史嚚享焉彼是人名則此亦名也世族譜齊雜人內有祝固史嚚此云欲殺嚚固是杜必以為人名也

公說告晏子晏子曰日宋之盟注日往日也宋盟在

襄二十七年音義

說音悅

屈建問范會之德於趙武趙

武曰夫子之家事治言於晉國竭情無私其祝史祭

祀陳信不愧其家事無猜其祝史不祈注家無猜疑

之事故祝史無求於鬼神音義

屈居勿反治直史反愧九位反本又作媿

猜七

疏正義曰彼傳趙武對曰

夫子之家事治言於

才反

晉國無隱情其祝史陳信於鬼神無愧辭此

晏子言之其辭微多於彼其意亦不異也

建以語康王注楚王音義

語魚據反

康王曰神人無怨宜夫子之光輔五君以為諸侯主



也注五君文襄靈成景疏

正義曰文公為戎右襄靈為大夫成公為卿景公為

大傳

公曰據與款謂寡人能事鬼神故欲誅於祝史子

稱是語何故對曰若有德之君外內不廢注無廢事

上下無怨動無違事其祝史薦信無愧心矣注君有

功德祝史陳說之無所愧疏

正義曰此猶如孝經上下無怨也言人臣及民

上下無相怨耳服虔云上下謂人神無怨即如服言下云上下怨疾復是人與神相怨疾也

是以

鬼神用饗國受其福祝史與焉注與受國福音義

與焉

音預注同下祝史與焉亦同

其所以蕃祉老壽者為信君使也其

言忠信於鬼神其適遇淫君外內頗邪上下怨疾動

作辟違從欲厭私注使私情厭足音義

蕃音煩祉音耻為于偽反

又如字下為暴君使同頗音何反邪似嗟反辟匹亦反從子用反下淫從同或音如字厭於豔反注同

高臺深池撞鍾舞女斬刈民力輸掠其聚注掠奪取

也音義

撞直江反刈本又作艾魚廢疏正義曰輸墮反掠音亮聚才住反又如字疏也故為墮毀

奪其所聚之物以成其違不恤後人暴虐淫從肆行非度無

所還忌注還猶顧也疏

正義曰肆縱恣也恣意行非法度之事也

不思謗

讎疏

正義曰俗本作畏定本作思

不憚鬼神神怒民痛無悛於心

其祝史薦信是言罪也注以贊白神是為言君之罪

音義

黠徒木反  
悛七全反

其蓋失數美是矯誣也注蓋掩也音

義

數所主反  
矯居表反

疏

正義曰掩蓋愆失妄數  
美善是矯詐誣罔也

進退無辭則

虛以求媚注作虛辭以求媚於神音義

媚眉  
記反

是以鬼

神不饗其國以禍之祝史與焉所以天昏孤疾者為

暴君使也其言僭嫚於鬼神公曰然則若之何對曰

不可為也注言非誅祝史所能治音義

僭子念反下  
僭令同嫚武

諫反山林之木衡鹿守之澤之萑蒲舟鮫守之藪之薪

蒸虞候守之海之鹽蜃祈望守之注衡鹿舟鮫虞候

祈望皆官名也言公專守山澤之利不與民共音義

注音凡鮫音交數素口反蒸之疏注正義曰周禮司

至反麓曰薪細曰蒸蜃市軫反徒之屬有林衡之

官掌巡林麓之禁鄭玄云衡平也平林麓之大小及

所生者竹木生平地曰林山足曰麓此置衡麓之官

守山林之木是其宜也舟是行水之器鮫是大魚之

名澤中有水有魚故以舟鮫為官名也周禮山澤之

官皆名為虞每大澤大數中士四人鄭玄云虞度也

度知山之大小及所生者澤水所鍾也水希曰數則

數是少水之澤立官使之候望故以虞候為名也海

是水之大神有時祈望祭之因以祈望為主海之官

也此皆齊自立名故與周禮不同山澤之利當與民

共之言公立此官使之守掌專山澤之利不與民共

故鬼神怒而加病也

縣鄙之人入從其政偏介之關暴征其私

注介隔也迫近國都之關言邊鄙既入服政役又為

近關所征稅枉暴奪其私物音義

其政如字一音征偏彼力反介音界

近附近疏

注正義曰聘禮及竟謁關人鄭玄云古者竟上為關又周禮司關注云關界上之門

然則禮之正法國之竟界之上乃有關耳自竟至國更無關也齊與竟內更復置關不與常禮同以隔外內故注介為隔也迫近國都為關以隔邊鄙之人縣鄙之人入從國之政役近關又征稅奪其私物而使

民困也

承嗣大夫強易其賄注承嗣大夫世位者音義

強其文反賄呼罪反

布常無藝注藝法制也言布政無法制疏

正義曰布其尋常之政無準藝

徵斂無度宮室日更淫樂不違注違

去也內寵之妄肆奪於市注肆放也外寵之臣僭令

於鄙注詐為教令於邊鄙私欲養求不給則應注養

長也所求不給則應之以罪音義

應應對之應注同長丁丈反

疏

正義曰言此嬖寵之臣私有所欲長養其情求物共之民不共給則應之以罪

民人苦病夫

婦皆詛祝有益也詛亦有損聊攝以東注聊攝齊西

界也平原聊城縣東北有攝城音義

詛莊慮反祝之又反下善祝同

姑尤以西注姑尤齊東界也姑水尤水皆在城陽郡

東南入海疏

正義曰卿攝姑尤皆是邑也管仲夸楚言其竟界所至故遠舉河海也晏子言

其人多故唯舉屬邑言之也

其為人也多矣雖其善祝豈能勝億

兆人之詛注萬萬曰億萬億曰兆音義

億於力反

君若欲

誅於祝史修德而後可公說使有司寬政毀關去禁

薄斂已責注除通責音義

說音悅去起呂反下以去其否同斂力驗反責本又

作債同通

○十二月齊侯田于沛注言疾愈行獵沛

布胡反

澤名音義

沛音貝

招虞人以弓不進注虞人掌山澤之

官公使執之辭曰昔我先君之田也旃以招大夫弓

以招士皮冠以招虞人臣不見皮冠故不敢進乃舍

之仲尼曰守道不如守官注君招當往道之常也非

物不進官之制也音義

旃之疏正義曰周禮孤卿建旃大夫尊故麾旃以

招之也

逸詩翹翹車乘招我以弓古者聘士以弓故

弓以招士也諸侯服皮冠以田虞人掌田獵故皮冠

以招虞人也

君子韙之注韙是也音義

韙于鬼反

○齊侯至自

田晏子侍于遄臺子猶馳而造焉注子猶梁丘據音

義

田本亦作佃音同造市專反造七報反

公曰唯據與我和夫晏子對

曰據亦同也焉得為和公曰和與同異乎對曰異和



如羹馬水火醯醢鹽梅以烹魚肉燂之以薪注燂炊

也音義

夫音扶馬於虔反羹音庚舊音衡醢呼分反醢音海烹普庚反炙也燂章善反煨也炊昌

垂疏

正義曰醢醢也醢肉醬也梅果實似杏而醋禮記內則炮豚之法云調之以醢醢尚書說命云

若作和羹爾惟鹽梅是古人調鼎用梅醢也此說和羹而不言豉古人未有豉也禮記內則楚辭招魂備論飲食而言不及豉史游急就篇乃有蕪羹鹽豉蓋秦漢以來始為之耳宰夫和之齊之

以味濟其不及以洩其過注濟益也洩減也音義

齊才

細反又如字洩息列反

疏

正義曰齊之者使酸醎適中濟益其味不足者泄減其味太過者

君

子食之以平其心君臣亦然注亦如羹君所謂可而

有否焉注否不可也臣獻其否以成其可注獻君之

否以成君可君所謂否而有可焉臣獻其可以去其

否是以政平而不干民無爭心故詩曰亦有和羹既

戒既平注詩頌殷中宗言中宗能與賢者和齊可否

其政如羹敬戒且平和羹備五味異於大羹音義

關之爭和齊並如字一讀上戶臥反下才細反醲音澁音無言時靡有爭注醲總

也澁大也言總大政能使上下皆如和羹音義澁子

澁古雅反疏正義曰詩言殷王中宗非徒身自賢明

總音總亦有和羹之臣臣與其君可否相濟如

宰夫之和齊羹也此臣既敬戒其事矣既志性和平  
矣中宗總齊大政自上及下無怨恨之言時民無有  
相爭鬭訟者也言其上下之和羹注正義口詩商  
頌烈祖之篇祀中宗之詩也中宗殷王大戊湯之玄  
孫也有黍穀之異懼而修德殷道復興故表顯之號  
為中宗殷人祭其廟述其德而歌此詩也言亦有者  
臣能詠君君能改悔亦者兩相頌之意也言中宗能  
與臣之賢者和齊可否其為政教如宰夫和齊羹之  
味也敬戒且平言此賢臣之性行也樂記云大羹不  
和鄭玄云大羹肉汁不調以鹽菜桓二年傳云大羹  
不致注云大羹肉汁不致五味和羹備五味異於大  
羹也醴總皀大邑詩傳文也言中宗為天子總大政  
能使上下皆如和羹焉傳引此詩證民先王之濟五  
無爭心則以時靡有爭謂時無有爭也

味注濟成也和五聲也以平其心成其政也聲亦如

味一氣注須氣以動音義

一氣杜解以為人服也服云歌氣也疏正義

皮云歌氣也杜言須氣以動則一氣不止為歌吹人以氣生動皆由氣彈絲擊石莫不用氣氣是作樂之主故先言之人作諸樂皆

須氣以動則與服少異二體注舞者有文武疏正義

口樂之動身體者唯有舞耳文舞執羽三類注風雅

頌疏

正義曰樂以歌詩為主詩有風雅頌其類各別知二類是風雅頌也一國之事諸侯之詩為風

天下之事天子之詩為雅成功四物注雜用四方之

物以成器疏正義曰樂之所用八音之器金石絲竹匏土草木其物非一處能備故雜用四

方之物五聲注宮商角徵羽音義五聲宮為君商為臣角為民徵為事

羽為物徵  
張里反

**疏**

正義曰漢書律歷志云五聲者宮商角徵羽也所以作樂者諧八音蕩滌人之

邪志令其正性移風易俗也五聲和八音諧而樂成  
商之為言章也物成熟可章度也角觸也物觸地而  
出戴芒角也宮中也居中央暢四方唱始施生為四  
聲網也徵祉也物盛大而蕃祉也羽宇也物聚藏宇  
覆之也夫聲者中於宮觸於角祉於徵章於商宇於  
羽故四聲為宮紀也是五聲之名義也聲之清濁凡  
有五品自然之理也聖人配於五方宮居其中商角  
徵羽分配四方四時之物春生夏長秋成冬聚取其  
事而為之名也志又云五聲之本生黃鍾之律九寸  
為宮或益或損以定商角徵羽九六相生陰陽之應  
也樂記云宮為君商為臣角為民徵為事羽為物月  
令春其音角夏其音徵中央土其音宮秋其音商冬  
其音羽鄭玄云聲始於宮宮數八十一屬土以其最  
濁君之象也三分宮去一以生徵徵數五十四屬火

以其徵清事之象也三分徵益一以生商商數七十  
二屬金以其濁次宮臣之象也三分商去一以生羽  
羽數四十八屬水以為最清物之象也三分羽益一  
以生角角屬六十四屬木以其清濁中民之象也志  
言或損或益者下生三分損一上生三分益一九六  
相生者以九生六是三損一也以六生九是三益一  
也損益之數清濁之差無可以相準况以黃鍾九寸  
自乘為九九八十一定之為宮數因宮而損益以定  
商角徵羽之差言其相校如此數也唯  
相準况耳非言實有此數可用之也

六律注黃鍾

大簇姑洗蕤賓夷則無射也陽聲為律陰聲為呂此

十二月氣音義

大音泰簇七豆反  
蕤人誰反射音亦

疏

正義曰周禮大  
師掌六律六呂

以合陰陽之聲陽聲黃鍾大簇姑洗蕤賓夷則無射  
陰聲大呂應鍾南呂林鍾小呂夾鍾月令以小呂為

仲呂律歷志云律有十二陽六為律陰六為呂黃帝之所作也黃帝使伶倫自大夏之西崑崙之陰取竹之竅厚均者斷兩節間而吹之以為黃鍾之宮制十二筩以聽鳳凰之鳴其雄鳴為六雌鳴亦六以比黃鍾之宮是為律本黃鍾黃者中之色也鍾者種也天之中數五五為聲聲上宮五聲莫大焉地之中數六六為律律有形有色色上黃五色莫盛焉故陽氣施種於黃泉滋萌萬物為六氣元也以黃色名元氣律者著宮聲也始於子在十一月大呂呂旅也言陰大旅助黃鍾宣氣而芽物也位於丑在十二月大簇簇奏也言陽氣大奏地而達物也位於寅在正月夾鍾言陰氣夾助大簇宣四方之氣而出種物也位於卯在二月姑洗洗潔也言陽氣洗物辜潔之也彼注云辜必也位於辰在三月仲呂言徵陰始起未成著於其中旅助姑洗宣氣齊物也位於巳在四月蕤賓蕤繼也賓道也言陽氣始道陰氣使繼養物也位於午

在五月林鍾林君也言陰氣受任助蕤賓君主種物  
使長大茂盛也位於未六月夷則則法也言陽氣  
正法度而使陰氣夷常傷之物也位於申在七月南  
呂南任也言陰氣旅助夷則任成萬物也位於酉在  
八月無射射厭也言陽氣究物而使陰氣畢剝落之  
終而復始無厭已也位於戌在九月應鍾言陰氣應  
無射該藏萬物而雜陽閤種也彼注云外閉曰閤位  
於亥在十月是解六律六呂之名義也如志之言初  
為律者以竹為之吹其聲也其後則用銅為之以候  
氣後漢書章帝時零陵文學吳景於陰冷道舜祠下  
得白玉管是古人或以玉為管也續漢書云候氣之  
法為土室三重戶閉塗墜必周密布緹縵於室中以  
木為案每律各一內庠外高從其方位加律其上以  
葭莖灰實其端案歷而候之其月氣至則灰飛而管  
通蓋音聲之道與天地之氣通故取律以候氣月令  
正月律中大簇鄭玄云律者候氣之管以竹為之中



猶應也正月氣至則大簇之律應應謂吹灰也是其  
舊說然也其律呂相生鄭注周禮大師職云黃鍾之  
初九下生林鍾之初六林鍾又上生大簇之九二大  
簇又下生南呂之六二南呂又上生姑洗之九三姑  
洗又下生應鍾之六三應鍾又上生蕤賓之九四蕤  
賓又上生大呂之六四大呂又下生夷則之九五夷  
則又上生夾鍾之六五夾鍾又下生無射之上九無  
射又上生中呂之上六同位者象夫妻異位者象子  
母所謂律取妻而呂生子也子午以東為上生子午  
以西為下生五下六上乃一終矣鄭玄云同位象夫  
妻者黃鍾初九林鍾初六及大簇九二南呂六二之  
類同在初二之位故象夫妻異位象子母者謂林鍾  
初六生大簇九二初之與二其數不同故為異位象  
子母律生於呂是為同位故云律取妻呂生於律則  
為異位故云呂生子宮五下者謂林鍾夷則南呂無  
射應鍾皆是子午以東之管下而生之故云下生六

上者謂大呂大簇夾鍾姑洗仲呂蕤賓皆是子午以西之管上而生之故云上生黃鍾為律之首不是餘管所生不入其數上生者三分益一下  
七音注周武生者三分減一皆左旋隔八而相生

王伐紂自午及子凡七日王因此以數合之以聲昭

之故以七同其數以律和其聲謂之七音音義

七音宮商

角徵羽變疏正義曰聲之清濁數不過五而得有七宮變徵也疏音者終五以外更變為之也賈逵注周

語云周有七音謂七律謂七器音也黃鍾為宮大簇為商姑洗為角林鍾為徵南呂為羽應鍾為變宮蕤賓為變徵是五聲以外更加變宮變徵為七音也周語云景王將鑄無射問律於伶州鳩對曰律所以立均出度也古之神瞽考中聲而量之以制度律均鍾百官軌儀故先王貴之王曰七律者何對曰昔武王

伐殷歲在鶉火月在天駟日在析木之津辰在斗柄  
星在天龜星與辰之位皆在北維我姬氏出自天龜  
則我皇妣大姜之姪逢公之所馮神也歲之所在則  
我周之分野也月之所在辰為農祥我太祖后稷之  
所經緯也王欲合是五位三所而用之自鶉及駟七  
列也南北之揆七同也凡神人以數合之以聲昭之  
數合聲和然後可同也故以七同其數而以律和其  
聲於是乎有七律也是言周樂有七音之意也五位  
者歲月日辰星之位也三所者星與日辰之位是一  
所也歲之所在是二所也月之所在是三所也武王  
以殷之十二月二十八日戊午發師其年歲星在鶉  
火之次也其日月合宿於房五度房即天駟之星也  
日在箕七度箕於次分在析木之津也日月之會謂  
之辰斗柄斗前也戊午後三日得周二月辛酉朔日  
月合朔於箕十度在斗前一度是為辰在斗柄也星  
在天龜者星於五星為水星辰星是也天龜即玄枵

次之別名也。於是辰星在婺女之宿，其分在天鼃之宿，次也。鶉是張星也，駟是房星也。天宿以右旋為次。張翼軫角亢氏房凡七宿，是自鶉火至駟為七列宿。有七也。鶉火在午，天鼃在子，斗柄所建，月移一次，是自午至子為南北之揆，七同也。揆度也。度量星之有七同也。武王既見天時如此，因此以數比合之，其數有七也。以聲昭明之聲亦宜有七也，故以七同其數。五聲之外，加以變宮變徵也。此二變者，舊樂無之，聲或不曾，而以律和其聲調，和其聲使與五音諧會，謂之七音。由此也。武王始加二變，周樂有七音耳。以前未有七，杜言武王伐紂，自午及子，凡七日者，尚書泰誓云：戊午，王次于河朔，又牧誓云：時甲子，昧爽，王朝至於商郊，牧野乃誓。又武成云：戊午，師逾孟津，癸亥，陳于商郊，甲子，受率其旅若林，前徒倒戈，攻于後以，北血流漂杵，一戎衣，天下大定。是自戊午至甲子，七日也。劉炫云：杜既取國語之文，以七同其數，以律和。

其聲何為又云自午及子凡七日乎是杜意以武王為七日之故而作樂用七音也違國語之文是杜說謬今知不然者以尚書國語俱有七義事得兩通故杜兼而取之劉以為杜背國語之文而規杜過非也

# 八風注八方之風音義

八風易緯通卦驗云東北曰條風東方曰明庶風東南曰

清明風南方曰景風西南曰涼風西方曰闔闔風西北曰不周風北方曰廣莫風條風又名融風景風一

名凱疏正義曰易緯通卦驗云立春調風至春分明風疏庶風至立夏清明風至夏至景風至立秋涼

風至秋分闔闔風至立冬不周風至冬至廣莫風至調風一名融風十八年傳云是謂融風是調融同也此八方之風以八節而至但八方風氣寒暑不同樂能調陰陽和節氣隱五年傳曰舞所以節八音而行八風故樂以八風相成也八節之風亦與八卦八音相配賈逵云兌為金為闔闔風也乾為石為不周風

也坎為革為廣莫風也艮為匏為融風也震為竹為明庶風也巽為木為清明風也離為絲為景風也坤為土為涼風也是先九歌注九功之德皆可歌也六

府三事謂之九功音義

六府水火金木土穀三事正德利用厚生也

疏正

曰九歌之事尚書大禹謨與文七年傳具有其文

以相成也注言此九者合

然後相成為和樂清濁小大短長疾徐哀樂剛柔遲

速高下出入周疏以相濟也注周密也音義

哀樂音洛下及

注皆同周疏傳本皆作流然此五句皆相對不應獨作周流古本有作疏者案注訓周為密則與疏相對宜為疏耳疏正義曰周疏以上凡十事皆兩字相對其義相反乃言樂聲如此相反以成音曲猶美之

水火相反人之和而不同也杜訓周為密則疏為希亦相反也俗本疏作流易繫辭云周流六虛仲尼燕居云周流無不徧也涉彼文而誤耳杜既以周為密則流當為疏今定本作流非也

君子聽之

以平其心心平德和故詩曰德音不瑕注詩幽風也

義取心平則德音無瑕闕音義

幽彼貧反

疏

正義曰詩幽風狼跋美周

公攝政遠則四國流言近則成王不知周大夫美其不失其聖也云公孫碩膚德音不瑕鄭玄云不瑕言不可疵瑕也今據不然君所謂可據亦曰可君所謂否據

亦曰否若以水濟水誰能食之若琴瑟之專壹誰能聽之同之不可也如是飲酒樂公曰古而無死其樂

若何晏子對曰古而無死則古之樂也君何得焉昔

爽鳩氏始居此地注爽鳩氏少皞氏之司寇也音義

專如字董遇本作搏音同季荊因之注季荊虞夏諸侯代爽鳩氏

者音義

荊仕側反夏戶雅反

疏

注正義曰此相傳說也以逢伯是殷之諸侯此在逢伯之前故

以為虞夏時也爽鳩在少皞之世至虞夏歷代多矣未必其間更無他姓據晏之言云代爽鳩氏

有

逢伯陵因之注逢伯陵殷諸侯姜姓蒲姑氏因之注

蒲姑氏殷周之間代逢公者而後大公因之古者無

死爽鳩氏之樂非君所願也注齊侯甘於所樂志於



不死晏子言古以節其情願音義

大音泰與鳩氏之樂一本作樂之

疏

正義曰自古者其無死與鳩至今猶存則此齊地是與鳩氏得而樂也君不得為齊君不死之事此

樂與鳩氏之有非君所願樂也晏子以與鳩氏為始故言與鳩之樂計與鳩以前處齊地者猶應代有人

矣

○鄭子產有疾謂子大叔曰我死子必為政唯有

德者能以寬服民其次莫如猛夫火烈民望而畏之

故鮮死焉水懦弱民狎而翫之注狎輕也音義

鮮息淺反

懦乃亂乃臥二反一音儒狎户甲反翫五亂反

則多死焉故寬難注難以治

音義

治直吏反

疾數月而卒大叔為政不恐猛而寬鄭國

多盜取人於萑苻之澤注萑苻澤名於澤中劫人音

義

數所主反萑音凡苻音蒲又如字

大叔悔之曰吾早從夫子不及

此興徒兵以攻萑苻之盜盡殺之盜少止音義

盡殺之本

或作盡之

疏

正義曰既言盡殺之復云盜少止者盡謂盡萑苻之內盜也少止謂鄭國餘處

殺行字

之盜由仲尼曰善哉政寬則民慢慢則糾之以猛注此少止

糾猶攝也音義

糾居點反

猛則民殘殘則施之以寬寬以

濟猛猛以濟寬政是以和詩曰民亦勞止汔可小康

惠此中國以綏四方施之以寬也注詩大雅汔其也

康綏皆安也周厲王暴虐民勞於苛政故詩人刺之

欲其施之以寬音義

汜許乙反  
苛音何

毋從詭隨注詭人隨

人無正心不可從音義

母本又作無從子用  
反注同詭九委反

以謹無

良注謹勑慎也式遏寇虐慘不畏明糾之以猛也注

式用也遏止也慘曾也言為寇虐曾不畏明法者亦

當用猛政糾治之音義

遏於葛反  
慘七感反

柔遠能邇以定我

王平之以和也注柔安也邇近也遠者懷附近者各

以能進則王室定疏

正義曰此詩大雅民勞之篇刺  
厲王之詩也其下十句詩之文

也仲尼分為三段每以一句釋之汙其也康綏皆安也止辭也於是厲王以苛政勞民故言當今之民亦大疲勞止其可以小息之中國京師也四方諸夏也施惠於此京師中國以綏彼諸夏之民此四句者欲其施之以寬也說隨謂詭人為善隨人小惡此雖惡之小者其事不可舍從也毋得從此說隨之人以謹勅彼無善之人無善之惡大於說隨說隨不從則無善息止是謹勅之也寇虐之惡人又大於無善式用也遏止也慘曾也王當嚴為刑威用止臣民之間有為寇盜苛虐曾不畏明白之刑者此四句者欲其糾之以猛也柔安也邇近也能謂材能也王者當以寬政安慰遠人使之懷附則各以材能自進者是近人也遠者懷而歸近者以能自進用此以定我為王之功此二句者言平之以和也注正義曰釋詁云汙幾也杜以幾其同聲故以汙為其也康綏皆安及下注遏止皆釋詁文也式用慘曾釋言文也又曰

不競不綌不剛不柔注詩殷頌言湯政得中和競強

也綌急也音義

綌音求

布政優優百祿是道注優優和

也道聚也音義

道在由反又子由反

和之至也疏

正義曰詩商頌長發之篇

述成湯之德也湯之為政不大強不大急不大剛不大柔布行政教優優然和綏百種福祿於是聚而歸之言其和之至也競強釋言及子產卒仲尼聞之出

涕曰古之遺愛也注子產見愛有古人之遺風疏

正義

曰案上子大叔悔後已云仲尼曰善哉今方言及子產卒聞之者上所云先美子大叔之善法政用子產生時法也此出涕重美子產身之賢故傳云及子產卒欲顯仲尼美之意也

春秋左傳注疏卷四十九

春秋左氏傳注疏卷四十九考證

曹公孫會自鄆出奔宋○

臣浩

按公羊傳謂會是公子

喜時之後是子臧之子也劉敞謂奔未有言自者此言自鄆待放也左既無傳各以意說耳

傳春王二月己丑日南至注當言正月己丑朔日南至

○臣召南

按漢書律歷志昭公二十年春王正月距

辛亥百三十三歲是辛亥後八章首也正月己丑朔旦冬至失閏故傳曰二月己丑日南至是杜注所本

也又按是年歲為己卯

傳遇公于馬路之衢○林堯叟曰馬路衢名

傳衛侯賜北宮喜諡曰貞子賜析朱鉏諡曰成子注皆未死而賜諡○王應麟困學紀聞曰是人臣生而諡

也臣浩聞諸臣何焯曰得宋槧本不全左傳有昭二

十年衛侯賜北宮喜事杜注曰皆死而賜諡及墓田

傳終言之較近刻少未字而字意頓明義尤協臣浩

按王應麟之說非也果若未死賜諡是豫凶事非禮



杜當以為譏不應云終言之

傳聊攝以東注聊攝齊西界也平原聊城縣東北有攝

城○臣召南

按聊城縣兩漢屬東郡後漢志聊城有

聶城引左傳聊攝是也又于樂安國蓼城注引杜預  
曰縣東北有攝城不亦誤乎聊城之西即衛地所謂  
齊西界也

傳招虞人以弓不進○臣浩按此即孟子所謂齊景公

招虞人以旌不至者也但此作招以弓耳

傳五聲疏唱始施生為四聲綱也○各本俱脫施字今依律歷志本文添

又疏羽字也物聚藏字覆之也○各本俱訛作物聚字而覆之也今改正

傳七音疏星與辰之位皆在北維○國語本文作星與日辰之位皆在北維日字不可省

又疏月之所在是三所也○上文既曰三所者星與日辰之位是一所也歲之所在是二所也則月之所

在句下應有是三所也四字監本脫今添補

又疏其年歲星在鶉火之次也其日月合宿於房五

度○臣召南

按其日月合宿於房五度一句理不可

解其日即二十八日戊午日也合宿者合朔也此日

之月既與日會何以為二十八日乎且既合於房五

度矣又何以後三日辛酉朔復會於箕十度也觀下

言辛酉朔日月會於箕十度則知此句言戊午之夕

月實在房耳日竝不在房也豈惟不在房亦竝不在

心而在尾也戊午之日日在箕七度其夕月在房五度月行一日夜過十三度則二十九日己未之夕在尾九度晦日庚申之夕在箕四度故至辛酉朔旦與日會於箕之十度為南斗之前一度故曰辰在斗柄也推尋文義似應作其日之夕月宿房五度

傳季荊因之注季荊虞夏諸侯代爽鳩氏者疏此相傳說也○臣召南按漢書地理志曰少昊之世有爽鳩

氏虞夏時有季荊湯時有逢公柏陵殷末有薄姑氏

皆為諸侯國此地至周成王時薄姑氏與四國共作  
亂成王滅之以封師尚父此即杜注所本非相傳說  
也

傳蒲姑氏因之○蒲姑氏地理志作薄姑氏後漢郡國  
志樂安國博昌有薄姑城薄蒲二字字形相類而字  
音相轉莫定其孰是

傳而後太公因之○顏師古曰武王封太公於齊初未  
得與鳩之地成王以益之也

傳故寬難○趙汭補注曰為政用猛非君子之道也或  
是因太叔所偏而矯之

春秋左氏傳注疏卷四十九考證

謹案第十五頁後四行傳其祝史不祈刊本監本  
毛本祝訛祀今改

第十八頁前四行疏界上之門諸本門訛闕據宋  
本改


第二十頁前六行注濟益也諸本濟訛齊據宋本  
改

第二十三頁後五行疏其後則用銅為之刊本銅  
訛洞今改

第二十六頁後四行疏九歌之事諸本事訛書據  
宋本改

第二十九頁後八行疏故以汜為其也刊本其訛  
幾據宋本改





覆校官編修臣項家達

校對官檢討臣郭寅

謄錄監生臣李堦